



東山傅氏宗譜文集卷之四

沛六府君傳

翁諱有慶字伯賀秉性誠寔敦龐淳厚與伯兄相友愛踵先世勤儉之風嚴督諸子各治其庄由是畱畬墾闢善白圭術命其子往來吳浙而翁則就家爲積著廉取予賑貧乏持盈守謙與人無忤族推理祠捐貲而享祀在廟郡官興舉輸公而楔獎於堂雖淡自奉而賓至必豐雖守沉默而發言必中被服布素誠樸無華終其身如一日焉配阮有桓少居風匹德偕老年俱古稀子男四孫曾元三十餘人兩入黌序區疇第宅雄於里族翁三子向如婚於余余嘗登翁之堂見其丰采儀容亭匕鶴立蘭芽玉樹繞砌森塔翁之樹德滋厚積壽將來有艾也

爲傳

原任猗氏知縣眷侍教生陳一魁彛撰

職方主政一臣公傳

即沛北二府君

公諱本有字宗無<sub>子</sub>備我更字一臣志林公之長元孫荆白公  
之家子也世之爲百歲翁壽者皆壽其曾元全盛歷階五代爾  
一臣當志林公九袞時已能奉觴上壽頭角崢嶸迨長治詩經  
成童入泮氣宇英發毅然有獨步江東之槩顧當荆白公之治  
曲江事上撫下事匕合宜治聲流布皆一臣調劑於其中三年  
當代民聚畱於上臺上臺故別遣新尹而更任荆白三歲蓋標  
特叙以優清廉者卒于治中韶民震哭一臣扶柩返浙祖祭塞  
塗及服闋挈從弟宗耀入監讀書考選積分先左右乃弟受任  
於楚時從伯開之長白先生以鄉進士肄業比雍長白公首滿  
所積得令闈之連江一臣與有其勞祖道赴治而身羈闕下後

丁內艱旋里終制以部使者薦陞見稱旨御易本有之名爲有  
本欽授內閣中書返瀾公幹勤勞復命陞職方主事又遷八閩  
督糧後抱病告歸浙閩部院張公再四婉留委署福州同知隨  
差建寧買辦軍需海氛猝至圍城遇害一臣有女適庠生方逢  
俞一子名爲憲字憲吉嘗執經於魯明季例貢爲人忠信篤敬  
壯遊燕齊吳楚人多噐重先是隨任福州上臺以其難臣之家  
檄護還鄉以年十二月之吉奉其祖考妣暨母氏安厝於  
壽昌寺前祖墓曾祖墓內墓前孔道一臣費厚貲砌石殆遍一  
臣有孫男三女孫一皆載行傳茲特書其宦蹟以脩他日參考  
云

同學劣叔元魯拜錄

滄四十府君傳

府君名本洙字君衍曾祖我升公祖望山公以千金成航慈橋時望山公僅一子字鳴之習儒能文配樓氏性最好義有異夢產君衍人以爲積善所致甫週而鳴之卒樓母年二十而孀翁哭曰天乎人乎吾一子一孫乃孤寡乎然望山公益樂善不倦賑饑荒埋道殣廣施捨扶孤寒如故于足沐其惠者皆祝君衍以祝公君衍七八歲如成人高額巨鼻顴聳峻談笑卓犖英發不羣十五六歲而偉幹十尺尋常人不敢望其項背顧君衍日益長而望山公日益老惴匕一錢雖延師教督愛恤恒逾卽爲少年豪舉亦姑聽之弗禁旣配陳氏冠烏紗太素巾服方領大袖錦衣如漢晉儒士乃盡捐童心從族長者翔宇先生遊出其橐中金買百家之籍武林坊客舟載而來時姑蔑徐冢宰家

有秘笈人莫能售惟博極羣書者雖遠必賚一冊聞金華有傳  
君衍遂郵寄以彰同好乃祖則向翽宇先生而憂之曰帚布家  
安用耗金置書如許爲先生曰此殊愈於陸博投壺一擲千金  
者矣况君衍有異資過日成誦久誦不忘他日當以博學君子  
爲阿祖生色也祖快然益出金以恣其聚書君衍二十一而生  
長子棟七生四齡而失恃太公復爲聘蔣淑女焉逾年舉仲梁  
又逾年舉季楠三男皆英偉如父及太公患痢君衍撫膺歎曰  
初洙患痘及患痢賴祖以再造吾茲當以身代延醫鉅費莫可  
如何而卒君衍哀毀禮殯之曰必卜一高大山水以崇吾祖德  
也初祖卧簀時言吾床頭金足可送汝入北雍讀書對曰孫當  
自致通顯何事納粟自是而君衍日與族之衆儒生爲社會作  
古文詞高談雄辨好客喜施浩歌暢飲意豁如也家旣素封君

衍佃則輕租糶不飾價與常增值取必平施或焚券市義以嘉  
惠於衆七皆德之其幼叔志奮功名黃金橫帶人或激君衍曰  
長才偉略自當立取封拜君衍謝曰非薄顯庸吾埃耳及叔氏  
以身殉難衆益高之由是君衍惟孝事其老母圖厝其祖父顧  
母身病縈奴婢不令入闈君衍早晚膝前下氣怡聲唾涕不現  
若是者四十餘年而母氏終堂哀毀如禮祖父久殯君衍切好  
青島與契叔荆璠善於堪輿者廣審博察得兩所宅北十五里  
曰六村坪以奉其祖宅南六十里曰石佛崗以奉其父皆萬山  
中壁立陡峻卜吉安厝旣厝九年忽遭飛誣一家被逮其在繁  
也隆冬積雪瘦囚七八十人一七賑恤咸呼彌壽除直元旦慨  
然與叔得之吟詩及全而歸揖蔣恭人曰吾千般折挫丰骨未  
全消也籍產之後君衍世席素封而驟爲婁子愈自激昂毫無

寒酸態聞者莫不曰傅君衍真達人也蔣恭人勤劬節蓄晝夜  
紡績用以易金贖產務以膏腴安養君衍而身自茹素且撫長  
子棟及棟之女慈愛有加曰吾憐其偶俱無母也當是時君衍  
年已逾指使而蔣母亦逾艾猶中夜紡績不倦而君衍則篝燈  
與仲談說典墳或吟咏其詩賦與恭人絡繹之聲相聞也然旦  
必夙興朔望必肅冠服謁祖廟及母殯生平最敬漢壽亭侯朔  
望亦必禮拜可以想見其磊落光明之槩矣君衍素強無疾年  
近八旬忽僂二豎親友相存並未一及瑣語猶津津誦其所得  
意詩遂卒

知叔元魯謹撰

幼男爲楠刊



東山傳以十一修宗譜  
沛四十六文學行狀

公諱本澄字澄甫邑庠生梅崗翁長子也自幼超異軀幹端厚  
氣宇春容讀書不慕浮華以篤行爲務其處家孝友接物平正  
振匕乎有君子風家世稱饒先君全季父雲翁友愛至老不忍  
分析及二翁相繼逝公居長能曲體先人心治家務大體不習  
織僞事母深愛徵於愉色遇諸季篤摯詳密仰承俯接怡然於  
一堂之上穆如也延明師以課諸子侄重道尊師之意久乃益  
篤行善不求人知偶爲人排難息爭胸中曠然毫無所取其坦  
夷廉謹又如是以故同居三世內外無有間言公卧病逾年惟  
以仁讓二字爲提命一旦疾篤度不起囑厥子如生平所稱說  
無一語及他事筵篋中猶凜然以冰淵督後人也娶李氏慈惠  
溫恭妯娌無不慕而敬之生三子俱遊黌序長曰樾次曰樾季

曰捷公之冢居字子長者素屬文藝之交幼子捷又係予之婿  
故公之生平余悉之因筆之附於家乘之末云

眷侍教生張家輅頓首拜撰

沛五十六文學虞臣先生傳

虞臣字夢甫慷慨激烈豪邁英舉自其高祖遷創上祝村產六  
男子虞臣祖父居孟而虞臣爲長元孫名本巖乃翁起家有志  
詩書虞臣早慧受業先大人之門弱冠以高等補博士屢薦科  
場慕四明葩壇久擅與族友五人遊學名宿馮子房家一時若  
劉瑞當馮躋仲元度輩皆服因贈字虞臣蓋以遠大期之也歸  
而下帳益奮視取青紫猶掇之也後困于場屋傳經於從弟翰  
臣遂冠多士早饒學宮遠近之彥負笈來從者多以第一人遊  
黌晚年博極羣書彙選浩繁百家子史目玩手錄約十數百卷

欲以公世未及刊行而卒元配陳宜人賢淑勤敬孝慈交至生  
三子皆遵乃翁正益之教拓先人耕讀之傳諸孫秀慧逾恆以  
年 月之吉奉遺命厝於宅北之高原

同學叔元魯彛撰

榮封翁君恩先生墓誌銘

行沛六十

公諱本沾鍾華公之長子自其大父上逮太公五世同居至鍾  
華公而尤盛先生恬靜溫雅從先大人授經修持勤奮窻靜  
如深山未嘗窺足國外其爲文如平湖十里一碧不波先大人  
與開之師皆嘉與之鍾華公聞而喜曰是兒幸能潛心經史  
矢志文章吾當求君子女以偶之因諧美於永康王闕已而生  
男曰爲格字去非當其時王氏如開府懷溪先生州正聽初先  
生舉推讓君恩爲青雲客也司李山西衛公諱周者文壇

牛耳未嘗輕許可人適學使者按婺李公乃以第一人賞拔闔郡皆驚皆知君恩先生爲婺名士而先生出友士林愈抑匕自下於是人益歎服惜天吝其年以早世王恭人淑慎惠和肅端孝敬先君恩內寢其從兄君衍與君恩最知常稱其內外合德天之嗇其齡者必將豐其後也後其子爲格荷

天朝寵眷開治武昌佐理八郡

恩榮贈及先世天之所以報先生者不可謂不厚也去非幼失恃長

於祖鍾華公而執經於元魯於康熙十一年十二月十三日奉

考妣合厝宅南十五里許姚家之前山銘曰穀歟木歟何如

人之淑歟人歟地歟何如德之厚歟永德爾臧永固爾藏四海

以名揚

康熙二十年辛酉孟秋朔旦

劣叔元魯拜撰

滂七十一茂才行狀

弟本浩字浩然滂七十一其行也少穎悟習舉業十二能屬文  
十四赴童試麗邑卽拔前予嘗讀史至陶朱傳見其三致千金  
散於人者三興而嘆曰何古今人之不相及也我苟得爲之豈  
遂不相及哉時祖父在桐廬以積著通人緩急取息廉不務與  
人鬪智爭時桐人以爲善弟方弱冠佐祖父居桐數年慷慨好  
施周恤人窘桐之人曰自吾地得浩然負官租者賴焉婚嫁不  
及時者賴焉有父母喪不能殯葬者賴焉而又於其地造濟艇  
輿梁徒杠使往來者履險以平無揭厲之苦桐人德之數年間  
桐有竒巖幽洞古剎名山暇日必遊匕必偕二三知己傾壺笑  
飲分韻誌景子陵之臺在富春山遡迴從之卽風雨晦明未嘗  
不登堂歌咏畱連不輟一旦與守者謀曰予欲置田若干畝爲

先生祀守者辭曰先生祀有嘗典客無庸客之意嘉矣如先生  
高節何堅止之余思其事雖不果然於憑吊間有此深意遐舉  
非恒流所能望也歲在乙亥復挾貲北遊燕蓋將托跡成均觀  
光上國以酬生平素志奈染疾嚴慈召之歸風塵勞頓偉岸之  
表竟成瘦損歸家伏枕三月而卒時年三十有一尙未抱子嗟  
匕强者夭而善者其無後耶非所謂天者難測而神者難明耶  
因涕泣叙其生平以哀之且不令其無後也當令兒侄輩以主  
其祀

沛七十五君哲公傳

兄長澄撰

公名本濬字君哲號薇長我婺之東山人也強幹方面巨首圓  
頂鬚髯四張慷慨自負顧以三世一身三齡而失父穎之翁母

東山傳比十一傳  
賈氏年才二十許孤寡相依爲命以爾最憐愛之寬勿律以詩  
書然未嘗不嚴督其守家教也稍長自喜閱諸遊俠傳及一切  
武備誌馳馬試劍類遊閒公子往匕輕財使酒雖長老勿能禁  
惟聞母氏咳唾聲輒自低頭下氣不敢踰閑溫然如儒生矣先  
是家君任垣中於時兵興思得介冑禦侮之士君哲以策來謁  
家君深壯之與談問氣甚英舉一座皆傾雖期匕於口然當義  
氣激發則拍案振奮若不知有身者以操江劉公荐授遊擊適  
浙東饑有誘諸無賴惡少作難者一時嘯聚及平定餘黨多自  
危帥府檄君哲還鄉安撫後知事不可爲杜門謝客日孝養其  
老母匕時病君哲亦卽不食憂形於色體爲瘦減病愈方歡如  
初向其祖廟春秋合祀一循典禮中因憤閩渙爲分祭君哲乃  
集紳衿長老僉議復舊通族仍得合祀傳故著姓應詔書祠關

帝緝殿高百尺而帝像未範君哲遂募衆貲召良工嚴範三像而殿南則鰲立大士其務大體類如此晚舉一子名爲大方五齡而君哲卒在殯大依於祖母賈與母施且撫且誨十餘年而祖母卒又數年而施母內寢爲火乃能舉三喪同歸於楊畝之祖塋焉

通家眷侍教生姜淵頓首拜撰

天如先生傅公墓誌銘

即沛九十一府君

公諱本溥字君時號天如爲梅江公之三子其家世自其高祖以孝友教家五世同居而梅江公治家則愈益嚴重當其時伯兄澄甫先生惟致志讀書次兄則客於外而季弟殊幼一切煩冗皆天如任之而梅江公亦故投艱遺巨以試其材舉一匕就緒綽如也身軀竒偉豐碩廣額昂鼻雙顴隆起精神奮勵百倍



東山傳以十一傳  
於恒每鷄鳴先一家以興聲如錫雷以唱醒其奴婢臧獲園田  
殊廣身自督墾嘗百數十頃溝塹池塹循匕濬築凶荒旱潦時  
匕周恤嘉惠親友當佳節令晨又每喜披石青衣跨紫驢邀遊  
里社中觀者咸稱爲偉丈夫焉居家承事嚴慈友于伯季及嚴  
慈逝世與伯仲協力任勤困廩區疇歲增日廓又與從弟輩兩  
新堂構以遺後人聚族之安延名師訓子侄脩其優禮遇文士  
則把盞而發詩歌洪量斗酒不醉遇黃童白叟則量睛較兩而  
言稼穡遇服賈辛車之子則譚積貯流通水陸物產之盈縮以  
導其向往其要歸於能幹有爲先是嘗自歎曰生而華屋歸而  
山丘吾先孺人捐我早世當卜地以安之乃得地于九都之阜  
穀峯及年六十有五臥病數月呼諸子而前曰爲吾子孫者以  
孝友制行以勤儉治生以詩禮文章功名摠期無忝祖父有

光先世可也。竟卒于康熙十四年臘月之吉，奉藏於阜穀之壽域焉。元配義烏經歷樓公之女生，長居卽蘭之親翁，字子文者。孝友交篤，溫恭感人，人望盧而起敬，次字子兼，繼配本邑方耆賓女生子楨子芳子蕃，兩母具孝慈惠和勤敬大方五男，皆英挺騰譽士林，女孫一人，拔字蘭子，男孫林立，人傑地靈，良足銘矣。

歲進士西吳李焜頓首拜撰

沛九二府居蔣氏安人行實

父諱本滿，字君持，別號謙庵，沛九二行也。大父承泉，公吾父居仲，孝友明敏，甫六歲就塾，師穎悟超羣。曾祖捐世。大父以冢子專理家務，憂勤抱恙，斯時父年甫弱冠。大父命曰：予壯也，汝猶可讀，今在床矣。茲家將誰督乎？曷勿去咕嚕以分

東山傳  
吾憂也。父承命巨細大小悉躬任焉。內而家事外而族務紛錯雜投吾。父應之有方條理有序。大父病重，父奉湯藥衣不解帶者數月，焚香告天願以身代。大父臨危執父手而囑曰：余生汝兄弟二人，汝兄敦厚，汝精敏練達，凡事汝爲其難，兄爲其易，終身不忘吾言也。大父遂卒，父哀痛迫切，喪祭盡禮。祖母在堂，晨昏定省，奉養周詳。三年喪畢，與伯父商曰：父沒後，生寡食衆，豈可守株以待乎？遂客於桐江徽杭之間，冒風雨披霜雪，不避崎嶇，二十年在外，其苦備嘗。始獲奇贏，以歸置腴田，拓屋室與伯父同居，怡乚其樂。孝友重於鄉黨，舉爲祠長，乃整祠規以敦倫睦族爲務。生平知大節，崇大體，取與不苟，言行惟謹。壬子冬，構一堂，顏曰紹和，卽繼萃和之意也。年八十而卒。母蔣公琰，芳喬天性，賢淑秉質，仁慈孝事公姑，睦諸妯娌，體弱

多病年二十有七未育謂父曰我度不能育子居當自娶妾  
爲嗣續計父以年未四十不許越二年出粧奩肯納楮等生  
母曰周日楊連生楮兄弟四人母撫養恩勝已出迄今楮輩  
幸各成立亦旣抱孫何一非吾母之恩德也今修家譜嚴慈  
行實常在心目泣淚執筆聊述其萬一以誌當日之辛勤恩德  
云

康熙三十七年歲次戊寅仲夏端陽日

男爲楮謹述

沛九十四文學自叙繼嗣序

予不辰艱於舉子孟夫子云無後爲大禮曰爲人後者爲之子  
義不得顧私親良以人止一本旣爲嗣子則世也爲人後而其  
所後者爲我父我祖卽所生之父母亦爲伯叔待矣予繼長兄  
次子爲梓爲後洵吾祖吾父之一氣於禮於法吾有後矣予懶

於世事早謝諸生賴妻賈氏秉內外家政拮据不辭與婢獲同  
甘苦一日謂予曰今雖壯衰漸至矣不孝莫大於無後續嗣之  
計何如寧無後慮予悄然思長兄次子爲梓生時未及週歲乳  
母在沈襁抱歸懷卽吾兒矣予妻乳哺愛養不啻已出七歲就  
塾至今猶令習詩習禮每謂吾兒當除却生我二字哀七怙恃  
蓼莪之篇尤宜謹記孫四依七在膝靴焉已露頭角而愛養復  
然嗟七今之愛予恩者寧有他慮誠恐數傳而後曰此吾生祖  
也而予塚荒涼碑碣不修樵採不禁得毋有穴狐而藏鼠者乎  
予因載之於譜使後世嗣續者悲予志而哀予辭曰此吾繼祖  
之恩有不可忘也云爾

自撥祀田壹石土名東邊係出字肆百陸拾玖號田指貳畝叁  
分壹厘三毫此田永爲子孫祭祀

并附開

禧五十六府居侍女張氏予受撫養之恩將出字已田土名下  
車門係二千五百陸拾貳號計田八斗永爲張氏庄八月十五

日卒正月十八日二時祭祀

升菴居士傳

卽沛百五十一公

東山南越五里許航慈溪之東有別墅曰西樓係堂祖父升庵  
公所築新居也叔諱本巍字迴甫升庵其號伯祖所生四子叔  
居幼英敏通達有幹略舉動剛方魁岸絕倫好讀諸子書不以  
文法拘少從祖父宦於閩建甌寧能佐治聲外父建寧參軍樓  
公奇之因無子贅入館舍承家務以襄門楣今所居外父贅舍  
也孝敬敦篤家居隔數里晨昏定省之節毋敢或踈慷慨好施  
與遇不平輒爲排解爲鄉評倚重性樂恬養嘗讀仲長統樂志  
論輒曰人生貴適性耳凡物苟有可觀雖一丘一壑昆魚草木

之類皆可養性怡情何詡也然北溟之鯤南溟之鵬而始爲之  
逍遙養生哉繇是戴笠披裘乘蹇驢徜徉山水間臨流舒嘯陟  
徑盤桓探和靖之梅訪子猷之竹愛濂溪之荷賞淵明之菊或  
灌畦或藝圃或調禽養魚雖盛暑嚴寒旦暮不輟草堂西間稼  
圃穰也遠眺齋頭漁樵藹也剝啄盈門知交滿座供茶烟煮新  
釀烹葵剪韭揮塵呼豪竟夕不倦詩云且以娛樂且以永日亶  
其然乎媡母樓鷄鳴戒警中饋無忝極稱內助生四子曰爲翽  
爲翽爲翽爲翽勤儉務本有唐人風女一適義身庠庄沈諱盛  
美孫男子六人名詳行傳

己未菊月侄叔良年撰

子韶傅先生傳

沛百五十三文學八

余與東山傅君爾稷遊久時稔悉其先世行事歲在丁未適東山續修家乘因囑余爲其尊公子韶先生傳余旣素重先生之爲人又屬在通家何敢以不文辭公諱本善字子韶爲五馬寅塘公之孫邑丞肖巖公之子累世簪纓而未常以豪華自負沉潛篤學弱冠遊庠天性醇厚體度謙冲與人相接恂乚如也家旣素封好施與造橋砌路一切利人之事獨力成之生平淡于功名惟與二三同志詩酒棊碁逍遙共樂享年六十有五而卒兩娶皆黃氏賢淑修內則長子爲治少亡媳朱十八守節完貞全孝載在別傳以繼室劉氏舉丈夫子諱台天姿英爽名冠邑庠謹守先業自以撫養于嫂事之如母至老不衰不忘本也族以篤行共推祠中祭酒觀于爾稷居之爲人而先生之風範可



想矣詩云雖無老成人尙有典型斯之謂歟因叙其大畧而爲之傳

建德縣儒學訓導眷世侄劉大仕拜撰

滂一百五十七文學傳

歲在己未東山傅氏續譜將竣余媿潛福爲父。葵翁求傳於余噫余老矣何能文雖然余嘗識之余女年十有四時叔太天茲向余謀配曰吾與君知深爲君謀審其東山之葵翁乎余曰崗聞之矣相傳爲立行直方者也果耶否耶叔太曰吾與彼姻人知彼行悉其事尊翁肖公也能先意承志凡有蓄怒必多方解釋之至以義動則毅然敢任不計艱阻而肖公行事亦必決於翁賴以罔有過舉則爲子孝也肖公委以金不問出入翁未嘗錙銖歸私橐以故與仲翁行甫怡如無間則爲兄友也與

配劉自少至壯相敬如賓主則治家有禮朋友往來不渝然諾  
不待言苟闕乏卽稟命周之則待人忠且厚子三二就塾令塾  
師先授小學稍不合度筆楚隨之則義方正以嚴傳者之言不  
誕也君勿疑余應曰如叔太言唯叔太命遂以女配其長潛福  
焉嗣後肖公常偕翁邀余於潛溪之上談飲輒竟日得親其風  
旨見其言無妄發凜凜然不可侵犯卽傾酒數斗未嘗少失儀  
度余每退而喜曰叔太之言不誣也閱歲辛卯余設帳翁族潛  
福與從翁每早來談至直分乃返嘗謂余曰讀書何止尋章摘  
句爲問世計能實體行言也皆有受用其所闡發多出余意表  
偶出詩草數篇雄厚清深如其爲人類非余見所及余退而思  
曰翁之行叔太知之翁之學叔太尙未及也是秋余有江右之  
役明年壬辰臘訃來旅邸嗚呼翁之功名止一青衿而言語文

章未嘗少見於世何天之促之乃爾耶翁諱貴臣葵甫其字也  
生三子長潛福次潛禧相繼遊庠季潛祉亦通儒業公卒於順  
治壬辰十二月十三日閱五年丁酉臘尊大人肖潛公爲之卜  
厝於黃榜田頭是傳

康熙十八年 月之吉

文林郎知江南溧陽縣事前署孝豐武昌兩學教諭

眷侍教生沈文崗頓首拜撰

沛百六十二文學元配范氏孺人墓誌

先嫂范氏孺人其先世彙溪先生芳喬遷居婺東栗塘卽吾祖  
母侄孫女也生而穎慧舉止端莊祖母愛之攀爲孫媳年十五  
適吾兄君錫恪遵婦道孝敬溢聞吾兄採芹香奮勉詩書鷄喔  
不休嫂亦倍侍女紅相爲鼓勵冀成雕龍繡虎之志不幸兄爲

痘殤嫂卽斷腸毀骨幾不欲生或曰青春失偶膝下無依勸其  
再醮嫂曰夫之不幸妾當相從於地下今躊躇而爲未亡人者  
綠堂上舅姑暮年缺侍伶仃幼女襁褓無依使妾遽死非獨生  
者之懷罔慰卽死者之靈豈安乎易轍之行斷弗爲也其時二  
大人抱西河之痛不能自己嫂且以善言慰解朝夕奉侍益加  
懃懇尤能助理家政條晰庶務以當二心數十年隳容素飾戶  
闕不妄踰內外未聞笑語聲中饋之暇慕班姑戒女訓七女及  
笄許配隴頭嘯梅公曾孫朱佩珂越十餘載鍾與鎬生先大人  
始有喜色嫂曰今得二仲叔舅姑有子妾夫婦亦有主也自今  
而後可以從夫於地下矣歲丙午寢疾不起卒年五十有二卜  
葬泉田祖墓之南越十數武二子一女俱早殤女未適配亦附  
焉嗟七余兄弟皆受嫂氏鞠育數歲其二十年孤苦竭婦道而

兼子道之節居嫂氏而有母氏之勞有裨於吾家儀型於後世  
嫂氏之節誠有關於風化者鍾雖不文爲之誌而勒諸墓門以  
俟后之採風者  
本鍾謹撰

申伯先生行狀

即沛二百十九文學

傳文學居者婺庠之知名士也父斯邁先生爲婺庠先正母方  
安人以庚申春生文學居因命之曰本庚字申伯號翰周及長  
乃翁更名之曰自明以應試至居老成時悅老子書自號曰桑  
楚桑楚生而長榦修臂昂鼻巨口雙目炯々讀書數行下幼卽  
善作楷迨治詩與予同好友葉無聲氏會其族之諸譽髦師事  
四明徐季英先生先生每稱其秀出文成輒傳誦於通社國朝  
鼎盛學政初開一發而雋傳故著族人文甲於婺東其先達則  
稱之其英妙則咸樂與爲友若長白先生與用成劉先生諸社

中無不拜下風者然而申伯則尤與不佞無聲爲心相知其間  
花晨月夕名山勝水每匕躡履同遊相與賦詩把盞如是者三  
十餘年猶一日也申伯少失恃而事繼母無間言晚有弟而待  
季弟尤友愛其事諸叔父也敬其與衆也和其待親從之同學  
而貧困者皆有恩其值親隣之有所忿戾而相乖也者無不溫  
言和氣以相解釋緣是無不人匕稱揚申伯先生也者甲寅之  
歲外觸暑寒內撓憂悸先乃翁數日卒我輩聞之不覺涕之無  
從幸申伯有三令子已舉孫長君大成克紹書香已入庠序元  
配浦口俞二尹公女賢淑貞靜上孝下慈敬順溫恭始終無間  
適其族修譜因狀其行庶使有傳於後焉

春弟

嚴寅華  
葉駿聲

撰

孩甫公偕安人陳氏墓誌

沛二百廿二

翁諱本谿號丹山沛二百廿二其行也翁未冠失怙事母至孝

年旣艾猶同孺慕處昆季最相友愛平居與物無忤遇事勿爭  
產甲東山而布袍短褐族有貧老者每周給之人有持物而求  
售者勿乘其危能飫其情而去又無濫交雅好故舊值良辰勝  
境輒陳餼以速之然自壯至老不過數人而已翁旣杖鄉家事  
悉付諸子已則含飴弄孫外事無聞巨細悉閉戶不聞而口終  
亦無軒輊故身常閒勿擾云配陳氏性賢淑佐夫操家有齊眷  
之範生丈夫子五皆郡庠知名之士茲年癸丑月其冢居繼志  
字子翰率衆弟及衆孫奉雙櫬合塋於經綸山越居址西南十  
八里作甲山庚向因爲之誌

康熙三十七年歲次戊寅正月

署金華府學教授嚴曾榮拜撰

霖商公偕安人張氏墓誌銘

公諱本源字濬生行沛二百八十三儒士寅翁之冢子也公居家孝友接物無競慕義好施少習儒業讀書不求甚解能會大意嘗引浮白以自娛有翺翔千仞之槩常曰予素不屑持籌鑽核作慳鄙者流亦豈效朝吟暮呶若無用之輩耶爰是奮志急公因而薦授青田正欲藉此以舒宿負值時多事一旦撫然曰垂白在堂詎可遠離膝下以增倚閭之愁乎自茲以往時而緩步幽齋時而怡情近苑提榼尋芳歡我同志陶兀然樂歲月之舒長也惜哉年未強仕而卒安人張氏居孀之始遺一子字待徵方離襁褓單身而操庶務巨細悉躬任焉內外肅如也享壽七十有一而終待徵孤而成立儀型閭里族推爲約正有孫六或讀或耕各盡乃職曾孫五孫女一配貢生嚴旦善執中饋皆



安人之懿訓也待徵率孫及曾孫奉考妣雙櫬合塋樓村十八  
畝之山槩按狀而爲之誌

仁甫翁行傳

即沛二百九十一

族侄爲槩謹撰

公諱貴元字仁甫號左川鉅三百十太翁之冢子也公秉性端  
方言語不苟未嘗以才智先人有古君子之風雅愛山水卜居  
西源良溪築堂而額之曰紹和紹者本萃和而紹之也家世有  
厚貲人有危急告者慨然周之或贈棺或賑粟不爾吝惜旣而  
綜理祠事尙義助產敬謹不怠十有餘年元配樓氏性溫和德  
幽靜內訓嫻閭範肅稱賢內助子五長君字伯斌少採芹廩祿  
未幾廷恩拔貢登仕籍也四郎樹幟鬻官諸孫蜚英泮序者已  
三此皆公之教而盛德之所致也公壽屆耄年益修碩德泰也

親炙有年固知公之深而識公之詳也謹以蕪辭述公之生平以垂不朽云

康熙三十七年歲次戊寅端陽月

義邑庠生眷侄沈泰頓首拜撰

沛三百七十一文學潛生甫行實

文學君潛生者寅峯公之中子也初名海旣又名瀾與兄源出就外傅聯几案全筆床最友愛也而潛生資敏性慧日所記寓目輒成誦冠羣兒上然雅度汪然毫不自上其羣兒羣兒或反易之亦坦然受也父師見其幼而有容因更名之曰涵稍長治經發爲文章燦如朝霞之暎旭丰度翩入文闈朗若玉山炤人爲試藝灑匕卽成不一加注抹文衡異之遂以朮冠而晉博士弟子矣乃翁老而厭事家旣素封諸務擾匕潛生以靜治之寂

若無聲且時與賓朋把盞圍碁別墅已而嚴慈相繼見背幼弟  
鑿方十餘齡長兄澹庄亦早世一侄藐爾潛生敬寡嫂撫遺侄  
友愛幼弟藹然肅然久而未一聞其厲聲一見其遽色也惟以  
孝友教家日督其勤修於庭砌歲成其薦奠於宗祊如高祖中  
山公之祭田以四大房有事作常貲應去缺饗數季公燕蔑然  
潛庄捐其重貲贖入公堂仍爲祭田歲時伏臘斗酒相勞客至  
未嘗不寘酒觥揮鯨吸若是者二十餘年然未嘗一有酒過汪  
匕若干頃波人有非意相干情怒理遣故其遇師友久而不怠  
恩義轉篤其於族衆皆溫然凝然卽不欵曲而亦未嘗有所失  
禮惜天靳以年四十八齡而卒人多追思之配婺庠名士波臣  
戴先生之女先生嘗著婺書文徵及博識者最不許可人而相  
攸潛生知潛庄也及于歸淑慎靜雅良稱合德婦道母儀具欽

足式真閨中之範也四男伯楹仲喬叔機季棟皆英俊逾恒仲  
字昂及予弟子也年十八先遊庠向予請曰先生與大人最善  
今宗譜將竣寧吝一言以載家乘乎喬兄弟思之久矣予嘉其  
意念誠切而誼不容辭因表厥行略以儲材於當今之椽筆

同世祖同學叔元魯拜述

沛三百七十一文學君祭田記

楹思我祖之立祭田以祀尊祖考妣而我考與伯叔三房旣承  
我祀之祭田而又復高祖四大房之祭田矣則是世七故競七  
皆以奉祖先人而盡孝誠於時薦者也楹等敢稍有耶越以忘  
家訓乎因取膏腴良產十畝有竒特享先考兄弟四房循序收  
租備物奉祀告於宗廟附於族譜敬之哉世七其毋斁

計開

果字二千三十八號田五畝土名三石塘口二石一斗

二千三十四號塘拍五分九厘二毫

出字九號田一畝八分七厘五毫土名徐后門八斗

六百六十九號田一畝二分七厘七毫土名西谷邊五斗

六百七十一號田一畝七分五厘二毫

六百七十八號田三分一厘兩坵共八斗土名全前

共祀田四石二斗

為機

十八世孫為楹全弟為奮等薰沐百拜謹誌

為懷

環輿傅公文學行狀

公諱本瀛字海臣庠名瑚行沛三百七十六係雲峯翁傅公之  
長君元配趙安人所生也雲峯翁與兄梅崗翁最相友愛伯主

家政而翁志在四方生平慷慨不較錙銖值明季有南米之徭  
乃翁適輸其事護解中途忽有失水蕪湖之訛趙母陡聞而什  
旣而復甦遂成疾不起時公甫七齡惟知撫亡人號泣而已及  
乃翁南還痛念元配德性端凝謙和妯娌一旦挫折悲慟幾不  
克自持越二年繼娶義邑孟氏其婦道與元配亦無軒輊公稍  
長凡溫壻定省絕類古孝子孟母亦欣然感之且公天姿英敏  
於經史諸家無不遍覽一試輒遊庠方欲勵志顯揚何意二十  
有三歲復遭令先君之厄維時孟母止生一第方在襁褓公亦  
尙未議婚哀毀成疾竟致吐衄伯父以大義相繩曰寡母弱弟  
責在汝躬慎無自傷厥體也善自愛踰數年伯父復爲議聘娶  
原任福建清流縣尹公子方思甫女賢明淑惠事姑相夫兩盡  
其道公由是家務巨細悉身任焉乃弟始得專志攻書取益師

友未幾而亦蜚聲黌序矣公卜扞言地以厝先君拓置腴田以分同氣復與堂長兄號澄甫次兄號天如者鳩工庀材同心同力共建廳堂題曰其順須使後之人顧名而思義焉族中慕公之德仰公之才羣推董理祠事爾時租腴聞已浸漁殆盡公爲倡燕捐胙整廟規置祠產修辦春秋祭噐多方振剔漸次就緒遇族有忿爭不辭竭蹶力爲排息邑侯王公劉公俱敬禮之時有同事祠長字澤之乃公從伯也公復與各捐已貲刊印宗譜然舊本散失殊難編次公乃挨房稽查條分縷析不使有魚魯之淆二十代之系序四十年之新丁咸經手校剖刷詳明其勞心瘁志如此後值閩變卷帖仍散又與玉書公者仍各捐貲合爲修訂而宗譜始告成復議興行美舉公爲首倡助田五百石族亦翕然樂從約有義田數百餘畝租銀每年筭收以待公用先

將彙銀議建樓堂於祠左。備作公署。庶不致有事擾祠寢室也。公  
幾六旬。謝却祠政。紳衿再三懇留。難撓其意。祠議春秋給胙以酬  
其功。公始得恬靜。以樂天真。爾間嘗誡諸子曰。爾父藉先人訓。水  
淵自持。不敢得罪於鄉黨。祇恐未易爲完人。正懼爾曹之玩忽。侮  
慢以玷祖訓也。甲子歲。爰構一堂。因顏曰式訓。自製引言懸於中  
堂。更錄先賢格言。分其條款。繕書八幅。張列兩傍。使諸子觸目警  
心。而時有取法。其生平大略。更於斯可見矣。享壽七十有奇。卽世  
日遠。近聞訃。莫不惜之。葬於谷山。親朋冒雨送殯。接踵而至。環視  
迎棺覆土。其沒後。令人愛慕。更如是生。五子俱克家。次三兩君。聯  
升膠序。宁蒙不棄。下聘兒。超之女。與三君子。翹爲長媳。因得悉其  
行實於庄平庶表而出之。以誌不朽云。

眷侍教生曹宁頓首拜撰



沛四百五十一府君傳

公諱本，字爾哲。君聖公仲子，少而孤，以孝友稱。甫脫襁褓，居聖公奮志燕遊，沒於北闕，長城馬關衛公深痛先柩未獲，歸厝哭踊哀毀，幾瀆於危。雖家窘多方變措，爲裝載之貲，欲往求之，詎知乃弟甫篤孺慕，而乃兄早念劬勞，令伯祖罷庠露生先生者已爭先往矣。乃得柩還故土，公由是稍減終天之恨矣。其事寡母凡所以求遂其歡心者，皆有古王孟風。蓋公承累世忠厚之遺訓，然也。公居家惟勤而自奉必儉，至延師訓孫以及燕祭，則又盡禮任費。且嘗賙卹隣里，捨棺施茶，修橋砌路，排難解紛，成人婚濟，人危歷匕可數，洵不容湮沒者。嘗語人曰：積金奚若積德？吾惟積冥匕之德，以留子孫耳。及卒，聞者流涕，吊者慟哭。苟非實惠逮人，身能若是，迄今不越二十載，孫子蕃衍而汝淵弱冠遊庠，孰非積德之報。

歟爰叙其大略而爲之傳

義庠眷小弟吳懋瑜頓首拜撰

附森三百廿三傳君偕黃安人墓銘  
余與爾稷友爾稷與賢從汝淵友交相善也因識其先世甚詳乃  
翁諱爲錢字世珍先爾哲公卒事繼母至孝元配黃氏有陶母風  
終身完節奉舅姑惟謹孝不衰於父母禮不失於尊長見貧苦親  
隣多賙卹之常勉子擇交汝淵因得以弱冠遊庠皆賢母力也舉  
丈夫子三皆英匕成立曾元濟匕方未有艾合塋父墓側

銘曰 深塘之英堂構之勤孝貞之母陶孟之隣令名賢聲以垂  
其後昆 歲進士眷小侄劉大仕拜撰

附賢田記

賢田之設公也然是田也 先大父以二弟賢而好學體素羸故  
於得股外以此田爲二弟膏火之費且益以堅其進取之心則是

田二弟可私為己有非公家常物也緣二弟仰體先志令梁與幼弟派下有能奮志青雲與童子試時即諒情給與應試之費遊庠入泮後同食其租息而是田仍公若梁與幼弟派下未有讀書種子則此田仍歸二弟世七子孫長享此書田菽粟也仍恐後人忘厥由來藉口公家常物并且沒吾弟獎翼後嗣婆心故為記其顛末以昭來茲但二弟亦不得典賣以負先大父至意云

孫光梁率弟光深謹記

祀田 四千三百八十八號

餘田 四千三百七十七號

賢田 四千三百六十六號

墳地 三千八百八十四號

以上俱係果字號

祠長 叔盛 爾稷

監理 其瓌 其昭 房長 景沾 等仝誌

雍正七年歲次己酉孟夏之吉

沛四百八十八處士季霖傳

處士諱本澍字季霖傅公者 梅崗翁之幼子也早歲失怙遵

母命服兄教兢七罔越禮度及長與兄分任家乘遠督庄務率

臧獲操力作墾植有加間以暇繕陂塘繁畜牧以故歲入不貲

迨母氏八旬以天年終長兄遂逝乃與仲兄從兄協和再新堂

構仲兄齋志又逝新居雖築而墻垣未週二先人殯久而窳窳

未卜此皆二兄未逮之事公不辭勩瘁率諸侄先後完墻垣塋

考妣一切襄事其諳於大體如此庄平好義喜施人以急求者

無不立應雖儉約自持至於賓朋燕集必佳餚美釀歡呼暢飲

傾倒而後已性椎厚率直遇有忤拂面折不假然與人無猜疑

故人亦服之配阮爲大母女孫敬順舅姑克相夫子稱賢內助  
顧艱舉子進納妾媵者三育女復夭年僅四十有八搆疾不瘳  
卒之日遠近惜之先是數年見屢育不嗣長兄之次侄早歿有  
孫方離襁抱卽命孺人撫養如已出稍長延師嚴爲訓教意將  
有待及臨歿前一日展思孫幼不能任門戶而長兄之幼子雋  
備優材可屬以事集家衆床前面命令之承祧諸家長與諸侄  
遵遺命復參先典俾侄與孫兩繼以主其嗣而公之積慮於生  
前者庶幾可含笑於九京矣余忝在通家知之最悉叙其顛末  
而爲之傳

康熙十八年歲次己未正月之吉

眷侍教生張家輅頓首拜撰

邃菴公忠孝傳

沛六百九十六

邃菴公者奇男子也諱宏基初名本祝字有三六歲失怙三世

一身祖父所遺頗饒煢爨七母氏操持勉勵入小學資性敏爽體貌  
端潔至長嗜古能文奇思時見尤好結客任俠慷慨施予千金弗  
顧遇不平事挺身先之母氏常戒之性至孝稍自歛抑然負氣終  
豪走馬射鵬談兵試劔率以爲常年十七浙撫知其能以總司擢  
用委防諸暨母氏以其年稚論其辭歸遷居郡城一時知名之士  
咸樂與交聲名籍甚歲辛亥母氏沉疴諸醫不能療愴惶悲痛哀  
告於郡城隍某不肖罪在某母氏三十年孤寡勞苦異常倘奪之  
速某何生爲願城某筭以增之祝罷口咬股肉割之煮湯以進母  
飲輒愈甲寅四月閩粵亂浙東騷然邑侯李公薦其才俾其團練  
鄉兵時八邑俱爲寇擾掠衣血焚廬舍抽丁勒餉剝髓椎膚民不  
聊生吾族幾爲灰燼遂巷憤激而與族衆謀曰非特家財頓盡而  
人丁亦漸劫爲寇矣吾當有以保全之遂以函請於道府而私爲

之約曰賊勢猖獗其保全鄉曲且乘機善圖官兵第以南山為事  
 而北山一帶俟有機隙悉當率歸於正時有暴殘難化者責以大  
 義戮之盡收其衆至十二月官兵出郡南乘霧掩襲積道山之寇  
 屍橫遍野餘遁入括蒼北山之寇遂菴盡繳入麗城矣不數日而  
 吾婺平將軍而下道府廳縣俱出郭迎大相獎譽 康親王賞以  
 袍帽給以參將劄付調隨援勦總鎮李公進兵處州奮為前導乙  
 卯正月賊退守莼花嶺木石炮火齊下險不能登遂菴舍騎徒步  
 曰不賈勇何以立功遂率壯士冒矢石攀崖拊木而上奮砍數人  
 奪其大纛官兵從後一擁而上賊敗遁星直追勦連復處州各縣  
 將軍馬部堂達極為獎賞移文浙江 總督李批獎該將奮勇立  
 功成勞難氓候覈明酌奪等語分防碧湖諸處其在石塘陳潭頭  
 斬獲之功俱有記錄題叙 康親王又以丁男女賞賚之丙辰秋

進兵平閩調赴衢州乘菑取江山駕梯先登一鼓而破僊霞留守  
關上丁巳八閩平 親王面諭福建總督卽 題授漳鎮中營遊  
擊出防龍江砦七介海濱乃漳泉要道與廈門對峙朝暮寇警未  
嘗解甲戊午二月寇毀江東橋防將失守總督飛諭曰江東橋斷  
衢路不通龍江孤砦不足計該將速帶兵進長泰協同縣官保汛  
城池以通兵馬錢糧可也於是星馳赴縣嚴訓練清保甲開壕修  
梁設伏固險以通往來縣東南皆水近海波海逆早晚突進內河  
西北俱山七寇時常出沒勦山禦海大小百餘戰卒無恙至六月  
海澄同安諸城陷賊困漳州欲絕糧路先圍長泰賊萬餘水陸並  
進際靈雨淋漓平地水深數尺泉援爲險伏所阻漳援爲洪水所  
截背城鏖戰擊賊甚衆奈爲土著賣城七陷被執挾至廈門鄭逆  
欲降之抗顏不屈引頸受刃再三誘慰公張目怒詈曰殺我毋多



言逆亦怒令左右痛加劓刑置於海濱守者憫之曰君固好漢予  
何仇焉漳城晝夜可至第自爲計遂抱痛至郡平海將軍喇  
平南將軍賴海澄公黃部堂達總督姚俱抱首痛哭曰爾城  
孤兵寡救援不至是吾儕悞汝也今若茲爾之忠誠貫日矣急令  
善醫者調劑卽爲題叙疏曰海澄被陷諸將多覘顏事賊臨難  
不屈矢志弗從者獨得漳州城守中營遊擊傅某真可謂不負國  
恩者矣

奉

旨批據奏漳州城守某抗賊不屈忠貞可嘉着該部優叙議奏部覆例  
應加級錄用仍蔭一子後緣身體被毀再三懇辭願歸終卷總督  
姚復題請部覆閑俸終身蔭一子守脩賜賚還鄉可稱殊恩矣  
噫其庄平忠孝誠爲可羨亦復可嘆母安人葉氏聞之曰忠孝事

吾兒已全吾願畢矣雖數十年孤苦吾何憾焉配淑人方氏克盡婦道孝敬溢聞生二子爲斗蔭守倫爲宿習詩禮俱有父風一女爲琰適楚漢陽曾友韓守戎之長子尙聖今歸於家菽水承歡詩書教子賓朋滿座親戚同依適宗譜重修予曰人有一言一行足法者且表於世况吾叔生平之忠孝所難能者乎予所以不媿俚辭者因予叔侄少同學長同事其所閱歷非第習聞而且目擊故作忠孝傳載之家乘傳之後世以俟鄉大夫采而文之

贊曰胡爲而事親胡爲而事君胡爲乎格天地驚鬼神是其忠孝二者皆出於血性之至誠噫世之所以華其居澤其體榮其貌譽其聞者殆不知何以立身而揚名

從侄叔良拜撰

### 祭文

皇帝論祭殉難原任漳州協中營遊擊傅宏基之靈曰鞠躬盡瘁臣子

東山傳以十一修宗詩  
之芳踪卹死報勤國家之盛典爾傳宏基賦性忠直國爾忘身值  
逆賊之煽亂勵臣節以彌堅臨難不屈甘心殞命朕用悼焉特頒  
祭典以慰幽魃爾如有知尙克歆享

雍正六年十一月十五日致祭官金華縣知縣 臣趙元祚

先伯氏 宏基 臨難捐軀已詳從兄 叔良 忠孝傳中恭遇

皇上御極之三年

勅建忠烈祠時長兄 爲斗 任山東爲陳中丞之中軍以伯氏履歷

懇請 爲宿 中丞移咨浙 閩泐臺而仲兄 任閩奉

旨省墓又復赴縣具呈 邑尊趙宗據呈申詳各憲具 題在案

蒙准入祠從祀於雍正五年八月丙奉主入祠雍正六年復蒙

皇上特恩得邀 卹典

勅賜祭文一道發帑金一十六兩遣官致祭於是年十一月十五日

致祭墓門竊念伯氏蒙

先帝卹身蔭子叨榮過望矣又蒙

皇上渙高天厚地之恩沛卹死報勤之典伯氏一身沾沐

兩朝雨露遭遇之隆莫可名似適今家乘告成謹將

御撰龍章敬錄右方永為家寶爰恭紀其顛末以昭來茲凡我後人咸

思事君致身之義庶無負雲漢作人之至意云

聖恩眷然 到文 金華縣七學生員臣傅益恭紀

奉

命諭祭傅將軍吊之

趙諱元祚

字永錫 雲南人

松楸勁節映朝曦捧得龍章到墓門

聖主天邊來玉軸忠臣地下慰幽魃一腔碧血當年化千載丹心海

國存寄語兒孫綿世澤姓名香處傳家村

邑侯以我婺爲文獻之邦觀風問俗每不勝今昔之感謂何北山  
以至宋文憲諸公多守朱子家法何謂此風不嗣也所以下車  
伊始總以移風易俗爲先凡忠孝節義有關風化者無不極力  
表章務使化行俗美先伯氏得附青雲沾沐

聖恩者我 侯之力居多是年十一月十五日親至墓門行將奠獻

又復 寵錫詩章上宣

天子之宏恩下勵士庶之臣節一篇之中三致意焉遠近士林聞風  
賡和者以百計悉皆珠玉琳琅另當梓以壽世茲載元唱一首  
以示大槩且誌不忘云

門生傅

益敬跋

瑤菴傳公傳

沛七百四

公諱本洲又名璉字予登瑤菴其別號也器宇凝重古容英骨望

而知爲竒備之士天分穎敏諸子百氏之書罔弗涉獵年十九  
卽蜚聲黌序已未援例歲貢屢試不偶已而嘆曰余泉石苟足  
樂奚必仕於是絕意進取亦絕不與家事卜築西園顏之曰適  
志開三益徑構百尺樓時壬戌進士膠西趙公諱泰牲者來  
宰斯土與長公子章善遊燕其園贈額曰四可亭蓋亦嘉公能  
適志也樓之下名花遶砌篔簹成林公日與二三知己坐卧其  
中逍遨煙霞狎弄花鳥酒後耳熱則行吟題咏以見志公雖解  
脫世紛而孝友天植太肩雲峯翁早逝事孟母太夫人旦夕必  
治甘脆以供色養出入必告起居必省凡可以娛太夫人意者  
無不殫力爲之公爲仲子恭乃昆以禮衣食之美勿敢先也必  
以讓兄田產之腴勿敢愛也必以讓兄以故田荆逾茂肱被逾  
溫其天性孝友如此淑配葉夫人卽生姑也與公齊德比義孝

恭以奉舅姑警鷄以相夫子下至婢奴臧獲羣洩匕然六秩華

誕名公鉅鄉製詩獻祝至八旬複製錦稱觴曾玄林立珠履滿

堂極人倫之樂事享壽八十九齡而卒丈夫子三長居諱為櫟

字子章質性絕人弱冠補邑弟子員旋援例為候選為人倜儻

磊落有乃父風次諱為櫟字子敞府飲季諱為染字子習庠庄例

公不贖刀錐而家積素饒不屑為錢奴貸卽與求卽濟屢負亦

不責其償推誠與物雖愚夫童豎不欺一言他如修家乘廣祀

產置義塾凡可以睦婣任卹者無不釐然具舉此可以見素行

之修矣夫志趣高則心地擴孝友敦則大節舉素行修則可以

式流俗若公者可以傳矣婺東葉生者余所拔佳士而公之內

侄也常為余稱公之為人故余之知公甚悉丁卯春予修元纁

尺素走一价寓書葉生冀邀至京一面以傾區匕既而接葉生

報函知先生已不祿矣嗚呼以予之渴仰數年不獲披挹其休  
光可勝悼恨然公高致碩德自可信今而示後爰是因葉生之  
所稱述而序之以志吾慕且旌善人  
雍正丁巳黃鍾月  
賜進士第

欽差浙江典試吏部驗封清吏司郎中  
項一經撰

沛七百四府君天蜚館墓誌

嗚呼嚴君逝世痛柩殯於適志園每慨時序而傷懷思風木而  
生悲恒以不克窳窳心如坐刺蚤起直息遍訪堪輿後與江西  
劉賓卿先生並偕母舅葉公字帝臣者商酌覓得萬寧庵之南  
天蜚館之舊址也作癸山丁向擇吉於康熙二十八年歲次己  
巳十月廿二日之吉府君厝焉安人壽域並焉是墓也四圍俱  
石僅二壙係五色土餘無可附後裔宜相遵守故述以記



康熙卅一年壬申瓜生月

男爲標全較梓

爲橄

爲染

祭契叔章仲文

沛七百九十五

唯年月日契侄繼志謹以清酌庶羞之奠致祭於契叔故友章仲之靈前而言曰烏乎叔少勤學占名榜首時年三十吾亦與同進焉旣而朝夕齋居質疑辨論無隱言處與交情無宿怨吾方期其砥行開心孰知其先吾而沒僅享年四十有二也時叔生子月餘相繼而亡明年妾阿姨又疾沒生死天數叔何遭其極也叔生而天不使其壽以終叔死而子不使其養以長不壽不養數且盡矣身不可以復甦子不可以復育也四時之薦享將無以奉祀而存永思也天實爲之謂之何哉雖然叔幸有婦

婦能克守而誓皎日也叔幸有侄匕能繼嗣如同兒息也是不  
壽而壽不養而養吾叔無辜天必不使其至極也四時有薦享  
而奉祀存永思也叔其有靈壽爾椿親保爾室人佑爾仲昆杳  
匕冥匕無所託音聊爲之文以招爾魍

康熙卅二年歲次癸酉陽春月之吉

契侄子翰甫著

沛八百廿三府君行述諱本鑿字子美號種德

先君素性謹厚飭廉隅敦孝友崇雅道黜浮澆大父鉅一百六  
十三府君生三子先君居幼承藉素豐之餘謹守成規未嘗少  
縱雖樸誠待人嘗以爲持家之道惟忠厚可以久遠居常訓飭  
子孫耕讀之外不及他事櫛年十九不幸先君見背追維先德  
有不禁泣然泣下者安人俞氏以吾兄弟失怙早恐無以嗣先  
業而墮家聲也故以慈母而兼嚴父治家整飭闡範端詳凡課

子以及區處丙政皆秩匕有條大小內外咸肅然就理迄今年  
垂九十矣尙康強善飯精明不減昔日眼見兒孫五代遶立膝  
下食指幾八十餘人耕者服先疇讀者入庠序當歲時伏臘春  
酒介肴安人顧之亦怡然以樂而予輩之所以有此者則以祖  
宗之靈先人之厚德母氏之慈訓故也歲次戊寅年旣厝先君  
於長生塘之右并預附安人之壽域於旁肯依曲阜面繞文瀾  
亦旣卜云其吉但予年今六十餘矣竊悼伯兄二弟相繼云亡  
恐無以慰母氏心也朝夕承歡之暇喜懼交乘凡爲後人謀者  
慮無不悉而祀事爲尤重謹奉安人之命處祀田五百以爲久  
遠殷薦之需其田畝坵口並登宗譜外有選霞軒書舍一所作  
常以爲後日子孫讀書之處諸凡區處外因追述先德以示後  
人使知忠厚之遺以傳之勿替也云爾

計開奉祀田

果字二千四十六號 田八畝八分三厘三毫 大堰頭四石

計租壹百念秤 田鵝叁隻

出字二千一百四十號 田二畝五分三厘 西大園長石

計租念陸秤 田鷺一隻

出字二千一百四十一號 塘拍五分八厘 長石塘

皆

雍正六年戊申仲秋月 次男為楸百拜謹述

沛八百廿三朝奉遺下選霞軒樓上樓下共六間又軒三間并

水閣樓通明天井前議約四紙載明今於乾隆四十三年公

資修葺告成立議仍照前入遺言樓下中間建龕立主以便

東山傳... 修宗譜...  
春秋祭享并派下送主入龕生卒奉祀此前人有志未發今  
祠額繼述所由名其屋除賃外祇許冠婚喪祭燕客讀書坐  
館不許做工停放農具六種壽屋等項違者公同議罰派下  
如有頂服春秋二祭親到拜祖者每祭享燕壹碗合同再議  
四房列名花押載簿二本爲此刷印宗譜以存永遠

皆

乾隆五十二年三月

日繼述祠派下全識

田字二千一... 田字二千... 田字二千... 田字二千...  
田字二千... 田字二千... 田字二千... 田字二千...  
田字二千... 田字二千... 田字二千... 田字二千...  
田字二千... 田字二千... 田字二千... 田字二千...

沛九百十八府君助田記

捨財施惠在士人易在野叟難在素封者易在自積者難吾族有  
福雷者其始家無擔石迨至壯年勤四體其淡薄事耕種業貿易  
以致家貲頗饒不屑自私見世之多財慳吝者每自嘆曰積而不  
散守錢奴耳故其生平砌道路周貧乏多費不惜修廟宇葺祖廳  
鑄巨爐重貲獨任然此特少焉者耳其可傳者莫如立祀一事先  
世有常祀遺產八斗腴田也各房售之他人祭以廢矣心懷忿恨  
挺然獨往出多金以贖之仍恐身後爲富人所餌爰歸宗祠以  
祀其先又思租廉禮薄再助田壹石貳斗使先祀絕而不絕也因  
已無子繼堂兄之子爲善爲嗣承祭并定其規每年四祭祭期載  
在宗譜祭之日爲善請本房祠理赴祠同祭享宴若非爲善滴派  
子孫立約不與焉恐後泯其事故約舉大槩載之宗譜以垂不朽

云

雍正七年歲次巳酉夏月  
日祠理 齊先 川若 同梓

立托約人沛九百六十九府君樓氏情因夫君遺下產業除四子

均分外僅留田貳號壹坵柒斗壹坵叁斗共計壹石土名新屋門

前原慶為祭祀之計不料目下次子為佳不肖將得股產業蕩費

恐其又將所處祀田背地寫押為此設席懇托祠理并地保親房

家長立約將田刻譜鳴祠以便永遠祭祀如后再有妄行授受者

俱作誘騙理論恐後無據立此託約存照

雍正七年六月 日立託約傅門樓氏

祠長 雲祥 叔盛 爾稷 其輝

惟耀 文卿 齊先 商賢

親房家長 友揚 友裴 合美 型公

子蕃

子習

漢升

儀翔

翔翁傅老先生壽序

沖千四十四府右

余宰肄江與守戎傅公同事一城傅爲浙東望族其先世由商巖而遷至寶婺文物甲於兩浙簿書之暇公嘗告余曰吾從叔

翔公者自幼聰敏丰姿秀異強記博聞總角遊庠名重一時先達

天培陳公以女妻之陳公亦俊偉士由乙未進士出宰閩南頗著

廉聲故人目之曰婦翁冰清子媚玉潔不獨晉之樂衛也因太

翁暮年得子弱冠輒相背與仲叔笑七子立自相勉勵太翁遺

貲頗饒甲於一邑叔不敢怠廢前人職業每爲家務紛紜不能專

心科目戊辰由恩進士考授州司馬辭不就選於東山之左建有

別墅各曰五友山房虬松掩暎深沼廻環中有高堂式曰羣玉蜚

英有層軒式曰日有此君亭曰可月室曰聽松創獲珠之樓排鄴



園之架衆卉凝眸鳥音悅耳日與二三知己考古論今賦詩飲酒  
精翰墨之趣探山水之竒或倚石酣歌或憑欄吊古或行吟或靜  
坐其文章宏麗字句清新爲吾邦所推許抑且慷慨慕義富於財  
而不爲財所拘襟韻瀟灑著於名而不爲名所踟其廣達之性有  
非世俗所可擬者今登強仕之年又創古處堂以娛賓朋建依稼  
樓以藏書史窓門洞開一目數里弟今匏繫羊城不能登堂稱祝  
幸先生不吝一言以爲之壽則叔氏之叨光也即弟之叨光余  
曰噫嘻聞公所言則公者誠當世之佳士也余非判花之筆月  
旦之評烏足槩其庄平而究其底蘊哉然余自登賢書之後恒  
慕志和元亮之風故甫及下車輒欲解綬若公之辭不就選固  
勝予一籌矣敢不忻然而爲之掄揚哉吾思之吾重思之蓋其  
丰儀秀麗若夏侯湛端莊藹吉若黃叔度溫恭孝友若姜伯淮

淵邃宏博若顧野王詩句竒拔若謝元暉談吐明爽若王景文恬  
退自適若張季鷹輕財重義若范堯夫擇交投契若顧阿英豪暢  
善飲若蘓舜欽而且存心寬大處境優裕亭匕如鶴立鷄羣皎匕  
若臨風玉樹非所謂蓬壺閬苑中人耶抑嘗聞之明哲之士善能  
養身養身莫善於寡欲寡欲則理勝理勝則德盛德盛則無所不  
盛矣魯論曰仁者壽公之高風卓行如此其享遐齡固宜他日常  
訪 公於金華江上借元真之釣艇登孝標之講室與 公同向  
赤松山頭遍覽冰壺鹿田諸勝更入 五園中坐花飛羽擊鉢挑燈  
吾恐休文八詠未必專羨於前也未審 公以爲何如

龍飛大清康熙三十三年歲次甲戌仲春月

穀旦

文林郎知三水縣事

年家眷弟許

翰頓首拜撰

三水城守

小姪爲斗頓首拜祝

懷舊小引

陸子曰懃親戚屬亡多存寡以是思哀七可知矣予自譜成以來族之先生碩士或奉教於凡席或接歡於杯酒最親暱者十有六人何圖十九載之間儀容未泯我心而姓氏悉登冥錄情動言來不能自已各賦短章用伸鄙志其詞之不文亦恃觀者諒我之情耳

○益五歲入塾每歸

先君子即携以見

伯父令覆其所讀書伯

父啗余梨棗輒口授一兩語或詩或古文詞此時都不記憶矣比

十餘歲以兩長兄出外遊學每令

不肖

供侍賓客猶記越有酈庄

者聞伯父詩名投刺過訪伯父款之遂於詩筒中出詩二章其一

爲秋聲其一爲菊影時乃十月蟬肥酒熟伯父左手持螯右手執

觥一觴一咏連和十餘章酈生稱詩伯者再格已不吐一字而去

邑有劉潛岳先庄者一時知名士也早發郡城坐肩輿中沿途而咏其事得詩一首晚至伯父家登堂一揖不叙寒暄即呼不肖小

字取紙筆錄詩索和韻皆險拗顧謂兩兄曰今日難倒乃翁矣言未既聞吟哦先生徑趨往視伯父方脫稿先生每閱一語輒擊節

嘆賞讀畢不覺繞屋狂呼高聲索酒連飲三觴笑謂兩兄曰自覺

唐突尊公罰依金谷酒數相視大笑痛飲達旦後率以爲常不能

盡述及先君子新構蛾術山房與伯父獲珠樓對峙夜分夢寐中

時聞伯父朗頌聲蓋其生平手不停批經史諸子無不精熟坐滿

談元之客門停問字之車雖家富甲於一邑未嘗見其持籌而執

鑰於富貴利達弁髦棄之矣人皆曰蓬壺閬苑中人也益得聞緒

論者一十八年竊幸家學淵源可以長保何歲在龍蛇遽爾長逝

茫七學海何處問津嗚呼痛哉戊申宗祠命益編次宗譜文集見

夏山傳氏十一修宗譜  
伯父少作輓亡諸詩追憶請業於先伯父之大槩記之紙尾天奪之速因以見我輩之不幸也

總理九修宗譜姪益敬跋

一峯公傳

行泚一千一百八十五

人生自少至老及於歿後追遡生平無一事擷撲得破者厥惟我公故縷陳其始末以質之知公者公爲

楚碎公次子舉公時太翁年已六十矣惜公如掌上之珠頃刻不離左右常口授以詩書而公孝根天性惟太翁指使抑且嫻於禮凡接賓款客公必預焉同郡有中憲大夫沈懷一公者素秉人倫之鑑以公英敏敦厚遂以季女歸公無何公年十三而太翁捐館舍公哀號躃踊執喪若成人時太翁饒於貲凡庄舍黃白之物公所應得者皆讓美勿居既免喪卽補弟子員以體素羸不耐塲屋

尋又棄去嗜古文辭手不釋卷間亦作爲詩歌第於詩社中所載  
窺全豹之一斑耳緣善病廢棄筆墨故著作絕少生平未嘗操竒  
羸逐什一而家業日起然性好施與故舊姻親有婚喪未舉之事  
不待其出諸口也持金相贈雖費至十百未嘗掛齒且惟恐人知  
焉至於焚券還金受公之惠者至今猶頌公之德意於不衰後公  
爲祠祭酒勅興祠事載在宗譜者班班可考而且一鄉之人望風  
慕義太邱彥方公直兼之矣公卒之日哭聲震動鄰里今歿且十  
餘年尙有生芻奠墓墮淚碑前者良由公之生平口無失言容無  
失色周人之急恤人之危無一不飽人意故令人追思不忘耳初  
娶於沈生二女繼娶於陳生二子一女後先賢淑足配君子長君  
太學輝次庠生益郎新內弟也三婿皆知名士其生卒年月具載  
行譜茲不復叙矣

文林郎知成都縣事姻眷晚生葉新頓首拜撰  
森九府君并焜七十三府君合傳

東山傅氏禮樂詩書出諸名姓右才人傑士之所挺生心竊向往焉後聯社於東山諸友時有古貌霜髯富而好禮者則爲讓如翁一見卽歡若平生因下榻於其家翁雖逍遙物外而子史經傳百家之書無所不讀間叩其所學則潏匕如瀉而出誠博物君子也且術善岐黃性好施予嘗設藥餌以療人之疾出蓋藏以濟人之窮其或貧而負債者則焚其券雖數百金不吝時有某匕欲鬻妻以償債翁知之不但還其券且復助之全其夫婦視多藏以爲富者相去奚啻天壤翁令子三人長諱光達字行一與之樽酒論交款洽脩至翁之家業豐隆皆長公之力居多公秉先人之遺範重然諾飭廉隅忠厚寬仁綽有父風時翁年垂八十公事之如一日

耳旨承歡孝養備盡處昆季怡七相友愛某年飢人多死徙者公  
議散粟以救濟所活甚衆以故鄉里間以孝友仁義稱型仁講讓  
排難解紛宗族藉以輯睦是大有功於風化者也然非翁之家教  
以忠厚相遺安得後先一轍有如是乎舉丈夫子三長世修庠名  
齊光次世援次世儒齊光從余遊年甫弱冠卽蜚聲黌序爲金邑  
知名士因以祖父行狀乞言於余七不得以不文辭遂據實而爲  
之序

雍正六年歲次戊申臘月

○世世生傳

森十五

世世生者姓傅名爲學字效如以方術馳譽於四方予初蒞婺適  
患風痺髀醫束手因遣輿致生遂過有喜內人多病皆隨方奏效  
予竒之而詢之曰甚矣子治病之神也母乃有異術乎生對曰何



異術之有夫異術必神授非可學而致生特學以致之者然則學於伊何曰幼學於書館長知館學之難於進取也遂以家學上焉生之高上祖曰振殷公性仁而好生知婺俗之貴婦人而重產育因習爲婦人醫無不調和其營衛而長養其胎息應手如神高祖雙川公守其傳而神明其治法如治氣急之婦於垂髻單參四兩一服卽甦曾祖敬川公吾祖吾父迄生六世矣皆以家學相嬗者然則子又何能於婦治而外及大小方脉乎曰此則以館學上之者生幼讀書乃不拘方守幅耳予聞而善之曰子其儒醫乎果溫雅異他醫由是髡公道長困二豎而商參苓者予必以傳生進傳生不負所進所至輒有功如胡道憲之表其廬曰飲池見垣其以廬生信傳生之診視也可知惟予十載守婺其於傳生也益習其聞傳生之善治也益悉他日道出婺東焉婺東人爲予言傳效如

之治胎前也神哉婦以胎火迫逆雙手上伸而狂呌震鄰數日夜  
不已他醫相顧無何效如以童子溺滿飲之卽睡匕醒婦自請更  
飲而瘳矣他日道出婺西婺西人爲予言傳效如之治產後也神  
哉婦以產後瘳他醫以參耆類治幾於羸瘦不救效如以葱蘢  
滾飲之再汗而瘳矣又他日而道出南北焉南北人則曰傳效如  
不惟少婦也於老嫗也亦神哉老嫗貧甚病深其夫對泣效如以  
耆八兩作兩劑卽甦百里之遙其夫負儀叩門跪謝矣一日予行  
部至其鄉其鄉人則又曰效如不惟治婦人也於男子也亦神哉  
一丁壯以勞瘁浴水飽食濃睡畧醒卽斃棺衾已具一日矣效如  
審其皮色重以麻黃附子一灌而甦噫若傅生者又奚須神人之  
授異術乎夫固自異而自神也聞其族之長者題其居曰五世名  
家玩其意知記有曰醫不三世不服其藥况倍三而五而六歟予

又擴之於大小戴曰以仁得之以仁守之其量世也蓋效如愈疾無所苛於人壽仁者也卽高祖好生之心也其壽世以自壽者也因號之曰世也生且樂傳其諸音以公於當世傳於後世云

知金華縣事王世功撰

○陳太母六袞序

行森三十一安人

蓋聞壽者受也天與人而人善受之故謂之壽又酌也自行可久之道者壽故酬之以久此固理之自致而非薄植之所能邀無健順一也然壽矣而承歡膝下者鮮克家之刷戲綵皆除者乏弄貽之孫則熒也一身亦自傷其孤特也乃幸而有子若孫矣而短褐不完二釜莫給悲時命之不淑嗟吾身之終窮則雖享有期願之年盡屬無聊之境亦安見其足樂哉故必數者之兼全斯脩美而無憾焉古人三多之祝良有由也然而備美之數固世之所甚羨

不能必得之於天亦天之所甚秘惜而不盡以付之斯人者也傳  
母陳太母生於望族夙嫻內訓爲向翁傅太翁淑配太翁性誠實  
優幹略稱鄉里祭酒繼父兄之後助產尙義種七善行皆太母贊  
成之也及太翁捐館太母專持闔政內言不出外言不入閨幃內  
區盡周詳僮婢佩其恩威子孫率其教育雍七如秩七如也宜乎  
席豐亨而享豫大舉人世之所不易兼者而統萃於太母之一身  
今六袞初度遙知一堂之上金昆玉季次第稱觴綵袖班衣後先  
環列融七怡七此樂何極將由此而耄而耄而期願以至於不可  
紀極亦可預於太母而信之矣

皇清康熙二十七年歲次戊辰一陽月朔越八日

賜進士文林郎除授四川嘉定州知縣爲縣事

眷侍教庄倪懋祚頓首拜撰

○肖巖隱君傳

行森七十七府君

隱君諱爲質字文如肖巖其號也父沛六府君以篤厚稱於邑家用亦不貲隱君其季也君生氣雄體壯高視一切業已履豐厚又能甘淡薄指使臧獲各得其宜未幾析居因舊址拓爲敞樓宵室造廳三楹堂外有房一區環以女墻可種花木蓄魚鳥偕伏臆課詩禮洞門反宇雅素咸稱令子侄肄業于中聞牴晤聲欣已自喜娶於阮七爲吾婺著姓孺人尤端莊貞靜工烹飪善內政產一子字謙益朗若玉山映左右未弱冠卽補邑博士君以家務有托絕跡城郭遂與青州從事結爲長夜歡孺人乘暇以縱飲諫隱君曰吾秫田多於彭澤廬舍廣於步兵所得以快須臾者惟此盃中物耳且髮已種七尙何求哉君雅好施會子姓有事卽傾助囊中黃白且不責其償一日至田家聞內聲哀甚君詢知欲鬻婦償逋者

君曰子錢可緩奈何棄伉儷乎人曰某之割愛者非惟杜積負更欲糊口也君毅然曰若毋慮卽剖囊以代償發粟贍不足焉大旼隱君遇貧困務周賑逢掖士必恭而有禮齷齪富貴雖有勢不爲之下然胸無意必遇事輒發故處世而無怨周人而知感也詩有之柔亦不茹剛亦不吐君殆似歟又好行其德如此豈陽陵所稱君子之富乎

康熙三十二年歲癸酉臘月之吉

眷弟葉芳頓首拜撰

○森七十三文學傳

司馬氏有言積金積書不如積德夫陰德尙矣若以積金積書較之則積書猶賢於積金傅君樸翁家業號素封處之淡然惟鍵戶讀書英年卽見知於學使者蜚聲庠序值數竒累曠塲屋卒老一

矜然窮年矻矻至老不衰彌留之際猶以一經授其孫子曰藉是以大吾門夫新生纔三十年不轉盼間腴田忽變滄波大厦倏成瓦礫祖宗創之子孫耗之者在矻皆是獨公之書香一脉相承其子若孫相繼揖讓黌宮連廟崔起餘慶正未有艾也積金若彼積書若此不啻北阮名隨時歇南阮聲施後世也至若公之立身制行無慚衾影孝親友弟悉根天性然諾必謹恥與必辨口不道人非足不履城市聞人善有喜色見友過規正言人犯絕不與校恂七備儒者之氣象是又書與陰功交積者也行當有捧金花玉軸展讀墓門以報公於萬一者矣予與公孫步宣為研友因謹叙其事以券異日益以堅其進取之心云

吏部揀選知縣庚子科順天舉人

愚表侄葉新頓首拜撰

○奉遠先生傳

森七十八

長兄叔良先生者生於世胄祖父饒于財析居之日先生琴書而外無一長物家雖累空晏如也庄而志在四方傲遊吳楚燕趙足跡幾半天下所交盡名公鉅卿時

天子闢門求士特開博學宏詞科以攬天下英才當事者交章薦剡而先生高尙其志布襪芒鞋寄居蓮花之幕傳食五侯之鯖或登高而賦或臨流而詩杖頭之外不蓄一錢掛籍子衿無心金紫先生與先大人爲莫逆交爲斗兄弟賴其提訓至今未嘗敢忘後於康熙三十一年卒於肄江署中其子載其喪以歸與張安人合厝於尖峯山聞先生之墓木已拱而爲斗一官長係未及生芻奠墓少報教思之恩於萬一近知家乘將成用郵寄數語以誌向往至於先生之文行兼優則口碑尙在毋容贅序



誥封招勇將軍護理真定鎮總兵官印務事協鎮固關叅將前山東

撫標中營遊擊湖廣永州鎮標中營遊擊廣東碣石鎮左營遊擊

河南南陽鎮標右營都司廣東廣州三水營守備從弟為斗拜撰

欽召馳驛入見序

行森八十五名為格字去非由太學生 特授胡廣八郡理刑同知再任江南鳳陽府同知歷官至

工部都水司員外 欽賜一品服贈中憲大夫

今御宇十有九年天下同風久矣而宵旰方勤加惠三楚特遣親信

天之臣如傅公諱為格者開治武昌平允八郡以季夏蒞任迨季冬

朔日

上眷顧南服竊寐傅公忽詔樞密曰

朕思用武昌同知着兵部馳驛移文召來傅為格可乘駟速至然

當量力勿致勞瘁藹哉

皇言人臣邀此誠曠世之遭而破格之典也公金華人字去非號潛庵族爲著姓世有令德公少卽異常恂匕抑匕壯遊京師入太學事上接下務以忠信篤敬相孚一時公卿大夫與之把臂定交咸信其至誠無僞由是名聞大內數年之中陛見數匕褒賜繩匕傅公旣迭著成勞

天子頗思所以用公銓部以公之廉能交薦遂由邑令晉二府分符武昌權衡八屬

欽命啟行口授溫旨曰勤廉自愛發軔之初公卿大夫祖帳歌吟驛亭相望始至適旱霖液隨車萬民歡頌數日之內客騎數萬屯揔省城公身詣軍門厚賚犒勞巨帥以公在邠有舊移營趨汎民不困而兵不頓上下交賴之旣臨政事劇操廉供億不充秉公平反日以百計略舉其一一如貪賄改嫁不論經年而斷全結髮

旗兵犯法不避權貴而槩判典償三楚之民方冀久恃瞻依而九重眷戀木鳳飛來馳驛趨京

皇言不宿莫由借恂自督撫藩臬咸率守令士民勸駕速行推輪祖送有如都中飲餞之盛也嘻吏政皆由銓選而公獨膺

御拔卓有風雲之會報政例屬三年而公甫及數月綽如風草之神其勤廉仁恩克副

溫旨如此豈止翔洽三楚乎卽東南萬里以公得當於天子而聞風慨慕咸思自愛以歸一道同風之治予楚人也桑梓之邦親被公澤爰述之以壯公之行

康熙二十一年三月 工科都給事中治通家侍生姚締虞謹撰

○森八十五潛翁壽序

郡國之有李官所以平獄訟理冤滯而爲

聖天子廣好生之德者也。先是以省併官，胥闕而不補，且十餘年。乙卯軍興，言者慮兵與獄相倚仗，多事之秋，民易犯法，觸禁網，非得專官以主其讞，雖欲勝殘去殺，其道無由。於是復設理刑官而傅公祖以外司馬實來。夫曩者郡各有理，是猶分任也。近則惟武罷丞總司刑名，凡各省之大疑大案皆賴聽斷焉。則其任最重而非廉明之長，慈惠之師，鮮有不溺其職者也。况楚俗悍訟，譁張爲患，睚眦之忿，銖黍之釵，聽其辭皆可沉命堪族而射沙搏影者，亦祇以波累取快，不顧其後之遁窮也。吏掾爲奸，株蔓周內，動逾歲時，比見天日而其家固已蕩矣。公性慈愷，常對爰書，腐丹筆不忍遽下。五夜焚香告天，謂神明不可獨殺。苟有一綫人理，必委曲推尋，又廉以生明。匕以庄斷，不承望風旨，不昵情于直。前後理楚數年，平亭立獄，辨鬼錄之囚者以千百計。宜其昨方奉文，內擢而

身山傳氏十一 修宗譜  
呀呼號泣麋集臺司之門願借寇君者不介而孚也公清約自其  
日食惟杞菊懸魚還鮓之操無近遠皆知之襟度冲穆温其如玉  
而任劇鉅則慨慷無所怵難軍供芻糗貔虎咆哮公常獨撻之其  
政治卓犖又不止明允一端前歲特 璽書驛召比至

陛見咨訪楚中利病公咸拜手臚陳

上爲一七嘉納欲留

公禁近念楚省刑名煩劇踰年仍

聽公

歸士民皆舉手加額喜徐杜再來今茲九月十九日爲

公放鴿

之辰同寅太守杜公清望鴻才與公稱一時之盛情好篤至因帥

僚案酌酒爲

公壽令余言以侑觴余惟古者賞以春秋刑以秋

冬則刑者天地之肅氣似與壽不相類而原諸好庄種德刑期刑

無之意則其回憐導舒仁莫大焉故曰祥刑曰威中有慶而古之

能活千人使民自不寃者或庭槐手植或高大其門閭送俟休應

以此思之則 公之壽考可知矣異日者

聖天子以 公保傅功安車敦召方將與四皓一疏龐眉鶴髮出入龍樓銀榜之間 公之景福豈不遠哉則請爲 公豫酌霞卮以賀至世德之求純嘏之錫公之家乘已載之世之人亦能爲 公祝之無容余之贅也是爲序

康熙壬戌歲季秋月吉日

賜進士第資政大夫禮部尙書

經筵日講官丙辰會試大總裁

殿試讀卷官前工部尙書都察院掌院事左都御史兵刑工三部左

右侍郎詹事府左春坊左諭德甲午順天鄉試正主考翰林院編

修檢討庶吉士治年家弟吳正治頓首拜撰

○森八十九府君行序

夏山傳氏十一修宗譜  
憶吾祖父寧靜性成謹身修行尤可溯者吾曾祖因探舊友  
遠遊北地逝世都城吾祖聞凶恨奮飛之不能不特弱妻幼子  
之不顧卽節次懷資亦未之計而遽爾抱痛以前至囊乏窮途幸  
遇便回船未經十月而扶柩旋歸後與吾祖母力衣力食且儉  
且勤吾父昆季惟四至吾輩而雁行有六悉與授室且爲士爲農  
爲工各命一業迨年逾六旬家業頗堪而曠懷泉石舉凡秀壑名  
山芳卉勝會之地靡不與二三知己扶鳩前遊直至九旬將屆從  
而厭世上仙之日日子孫之旋繞曾稱者且已有二非亦吾祖  
樂善之報哉爰爲述其槩以垂示後昆

乾隆戊寅葭月

穀旦

長孫坊百拜敬識

○附父焜百十府君狀畧

意遠於俗志超乎羣事父母能竭其力處兄弟和樂且耽宜室家

如鼓瑟琴樂孫孛合義準情聯稱友親物而平謹狀其梗概以著其生平

○節孝序

森百三孺人

傅母蔣義產也族於蕪溪世稱閨閩爰佐翁慷慨好施知名鄉里幼嫻姆訓性貞而順於女紅尤工以叔母姑故配於金之東山君澤翁之子諱爲楫字子濟子歸甫四歲而失所天子一諱光榮字啟期甫三歲臨決慟絕不勝哀戚誓以不食從旣而曰居堂而皓首者我夫父母也提抱而黃口者我夫子也仰事而俯育誰其任之乃強入杯水焉是時年方十有九歲矢死靡他誓不易搯其事舅姑也溫清定省閱二十一年如一日前是舅君澤翁疾且病處床二十日有奇母也藥石必親不就枕席者如期迨翁逝世於事姑尤篤以摯且君澤翁勇於就閨析居最早母總內外家政雖言不



出闔而條悉就理以故業日豐豫及啟期成立還事具克負荷且  
氣度雍容若儒生然族之長者多稱爲知禮考其所自得之母氏  
之教居多噫母之志可謂有終已乎年過九十尙康健精明則所  
謂安貞之吉應地於無疆者也忝在世姻得聞其事而欽異之因  
序其大畧以俟輶軒之採云

康熙己未季夏月之吉

文林郎知江南溧陽縣事前署孝豐烏程教諭眷侍教庄沈文崗撰

○東山子長先生傳

森一百八

傅姓爲婺州望族文人傑士甲於郡邑而子長先生尤矯七不羣  
者也先生爲邑庠生澄甫公之冢君昆玉三仲弟子是季弟子捷  
與先生俱揖讓黌宮先生孝友性成謹厚正直存心寬廣不苛人  
短不校人非且賦資穎敏凡百家經史過目成誦川峽瀉於筆端

珠璣落於馨咳，詩文者日填其門。而陸離光怪，皆錦囊佳句。直青箱士也。乃退處閒林，不求聞達。日與二三知己，喫傲於林泉。互相倡和，以適其天。配施氏賢淑，和敬與先生同登髦期。伯鸞德耀，不是過焉。余司鐸澌水，以院試會於郡中，握手言懷，一見如故。因盡識其生平，爰次其節，槩如此云。

雍正七年孟夏之吉

蘭邑教諭年家眷弟嚴啟，耀頓首拜撰。

卜塋金孟塘

珍字二千十八號，地四畝一分三厘二毫。

○中澗太翁行傳

行森一百三十三

公號中澗生，而敦敏英年，卽補弟子員。讀書務在躬行，循七雅，飭未嘗踰越規矩。家人食指盈百，嚴肅有法，無敢喧嘩。行年十卽

夏山傳氏十一 修宗譜  
得曾孫萃數世於一堂公皆耳提而面命之其子侄亦受教唯謹  
至今詩書耕鑿有石氏遺風暮年種花盈畝飲酒千觴士君子間  
或寓意於物以陶泳其性情往七類此晚世忝姻好故叙其事以  
俟立言君子焉

吏部揀選知縣癸巳科舉人

年家眷晚侍教生陳世德拜撰

○行森一百四十三公傳

公諱爲墨字子翰庠名繼志號西園孩甫公之冢子也幼寡言笑  
不好孺子戲未齒就塾師爲文醇雅超秀壬子冬以郡一人見知  
督學使者劉石芝先生拔入府庠高第後入棘圍因公車者再而  
乃翁則累呼小字告曰汝受體素弱盛暑固不能去挾纊其何能  
披氊蹠胼冒風雨坐場屋以重吾憂哉且予髮種七矣亦欲仗汝  
以息我勤勞耳公於是任爲家督經理內外事七悉當甚得親歡

心嗣是家口日繁乃翁命之分析公不忍析者三既而恐違父命  
乃同諸弟而告以父意縑系不入已囊族之長老僉謂其任事勤  
而立心公推爲監理族中公事身先倡率捐貲築堤盡力祝湖堰  
而族田不憂曠矣助田爲基經始懷義堂祠屋可呈材矣凡屬親  
厚貧乏者或贈棺槨之費以送其死或予財聘之貲以續其嗣他  
若年老家貧者歲時給以養身之費而不吝惜其好義樂施類如  
此嘗卜承謙居又爲西園於祝湖之陽面山背水石可漱流可枕  
四時花鳥以供棋酒朋儕雅集擊鮮採茹不肆具足待子姓嚴肅  
讀有課耕有省雖抱子而緣衿者未嘗假以聲色是以子孫進退  
惟謹奉觴承瀝有任氏之雍容娶黃孺人有林下風內治帷幃外  
治庖醢井匕有條侍色承養極其脆以奉姑舅納肥鮮以候賓朋  
自甘粗糲相夫子夙夜視膳常卧病衣不解者累月君與孺人內

外相助四十餘載賓如也而孺人乃先卒公不再續又嘗以祖父未厝言之每為流涕未幾太父歸宅而二親在寄覓之數載而獲兆於經綸山乃百方以營安厝焉嗣是端居多暇嘗為四宜樓記以舒懷

文載家乘

友人玉書曰予讀唐書王摩詰傳稱其妻喪不

娶孤居四十餘年日與裴秀才遊華子崗辛夷塢歌湖竹里往來賦詩甚適也今君失偶孤棲傍無侍妾日與二三知己燕談歲時伏臘二子凜命惟謹西園之樂何減輞川乎但王居士面壁而談覈空元未若君之坐四宜樓清酒盈樽佳賓聚集諸孫侍立抵掌而談名教之差足樂也欽君之高羨君之適故不辭無文而為之傳

昔

康熙三十六年歲次丁丑授衣月

同學本鍾劣叔頓首拜

○服古堂世德孝友圖讚

昔周家積德千年而克昌厥後張公同居九世而旌表其門振古如茲於今爲烈東山傅氏文獻名家爲遠邇鄉邦所仰瞻推讓者也子翰太翁金邑名儒士林雅望不但文可超羣抑且行堪型俗西園崇祀先之孝義坵推掩骼之仁捐租以給晨炊助娶以延人後鄉鄰有解推之德親朋速肥瘠之歡諸百懃徽難爲臚列太君黃氏淑慎幽閒解佩而宜烹雁佐讀則有九熊宜乎家業興隆書聲勿替太君早世絃絕不調豈惟靜好之難忘抑亦士行之不貳也至以孟仲二翁嗣之美華萼之樓慕姜門之被二翁垂白時篤友愛之恩五世相承永無析箸之計家門肅穆內外曾無間言長幼尊卑大小咸歸雍睦花晨月夕酌酒吟詩勝地名園邀朋共賞以故賓興有典黌序增輝璧泮生香後先踵美若夫慈祥

峇逮下 之惠妯娌如屬同揆支庶無異視之心恩勤勝猶已出  
風清林下德媿孟光是非 太翁以世德傳家後人以孝友式訓  
烏能極天倫之樂召衆善之祥有如是吳郡彭定求先生頤其堂  
曰服古良不誣也余忝屬姻親夙企芳躅今瞻拜斯圖敬約略其  
槩而僭爲之贊 贊曰 東山祝水實產偉人履豐如約不侈滿  
籬孟季左右世匕相承姆儀闡範代嗣芳音工肖厥貌我懷  
令名匕堪不朽奕匕家聲

雍正十二年子陽月

義邑歲進士眷晚生沈 清頓首拜撰并書

○義塚碑記

嘗思天之生人有生必有死故死爲生人所最惡不忍見者也是以死之日遂爲棺以殮之土以埋之祭以哀之此皆生人之本於性發於情而不容自己者也嗟乎茫々宇內蒼々蒸民百歲之期同歸於盡胡爲乎有痛哭之罔聞且有抔土之莫掩而并杯酌之弗奠也傷心哉此輩之死慨原隰之哀兮嗟無人以求也何辜而竟至此也噫余知之矣此必夭折者此必孤絕者不則其爲疎遠不親者其爲奴婢極賤者故往々至此也余嘗過村西有義塚焉乃先人築塋以安此輩者土名張山青迄今百餘年但見無土之不埋々而復掘無棺之不露々而卽拋鬼哭神哀常悲月冷之候魄分體裂多枯日暴之時慘目傷情無過於此々無他日久塋多土不容棺蓋其故也余是以繼先人之義事買地數畝於且來時



離村一里餘前朝後頂土厚深藏穴中寬廣乃分爲南北兩區男  
葬於左女葬於右成人居上殤人居下雖死之人長幼序男女別  
蓋幽明無二道也更置腴田數畝付與道教掌管其租完糧外永  
爲春秋道場之費庶幾無人痛者而痛之無人埋者而埋之無人  
奠者而奠之年年節節風風雨雨不致冷落此輩也此亦余之本  
於性發於情而不容自己者也嗚呼此後日久葬多安知此塚之  
不踏前轍也後之君子過此土者得毋亦有感而行義者乎

西園子翰氏自識

○附義塚地

果字二千八百八十三號

土名且耒引

地壹畝五分

春秋道場義田

出字二千六百七十五號

田壹畝八分二厘

計八斗

土名西谷塘

計租五百六十斤

注出字一千九百號

塘拍壹分五厘

土名西谷塘

地另立傅恭義戶在十都一畝交於道教掌管其租除完糧外

以作清明冬至添土道場之費其開銷祭品香錠紙燭道家另有承值之約因不細載

○傅母方安人賢節傳

余爲金華校官幾及三載凡一鄉之舉一里之選莫不與有聞焉至有名節之中微而勿揚幽而未聞者更予懷之切也者歟憶嘗於課業之暇曾涉潛溪登東阜爰訪勝友於其際幸東山諸君邀款殊殷下榻共話無非明倫中事不談因語及閨範爲風化所自莫不嘖也諸生孟修之母方氏賢孟修母乃故生傅子是配也族稱方氏之適於傅也舅千波公先夫而亡事姑至謹承侍能曲體

其意助夫讀書有解佩之風惜乎伉儷僅十年而失偶生一子長  
孟修次仲齊尙在襁褓誓志不移孀居四十餘載恪守婦規飲食  
絲枲身親治之晨夕不倦歲時祭薦必周於禮處妯娌以和撫二  
媳以慈遇親戚則濟之無難色然足不踰閩性靜而有才內外咸  
敬仰之至於延師訓子井匕有方而二子亦漸成立見尊長能執  
子弟禮伯子未冠遊庠次君業儒亦見稱於鄉黨通族咸贊其有  
母訓云余聞其言歛容而起敬竊以俗儒當無事之日高談節義  
傍若無人一旦變故忽起卽淪所守反不若閨中少婦獨能矢一  
醮之訓持一心之戒以立閨闈之標準是故國家之典首重貞節  
所以維持綱紀以明人倫而端風化也若方母者可以風矣因叙  
其本末而闡揚之

康熙二十年端陽月之吉

賜進士第署金華府學教授

沈增拜撰

○森一百八十儒士元配節孝朱氏安人傳

傅節孝朱氏十八歲而寡八十二歲而終苦節純孝撫叔蕃嗣實女中丈夫也先是氏歸傅君孟茹未期月患疹而亡以新婦事老舅姑依瞻問視無子而有子也舅晚年舉一子氏撫育成立卽我友文學爾稷公也他如勤儉慈慧闡德之隆太史阿大人曾有表揚而宗先達亦多傳述茲疏其節槩而系以銘詞曰氏之在生雖庄視死氏之已死雖死猶生承祧撫叔清節松筠允茲巾幗敬視

幽正

雍正五年陽月

歲進士除外翰眷少任劉大仕拜撰

康熙三十八年己卯十月

欽差福建正主考翰林院檢討

肅

金 贈匾

貞孝可範 于是年冬告

廟致祭匾額懸於 大宗祠之廳南

康熙六十年 安人八十上壽 大宗祠祠理紳衿公獎

匾式 節孝宜壽 匾懸於惟馨堂

○宗祠給帖

宗祠為公獎節孝事儒士為治元配朱氏出自名門來歸我族既  
幽閒而正靜亦慈慧以肅雖宜永奠夫蘋蘩豈料驚回鴛夢郎願  
茹夫冰蘖竟甘孤守鸞帟計結恍之期屈指三百日自剪髮之後  
回頭六十年且翁當坎壈而氏割股力可回天叔在提携而婦代  
持籌慈能保幼香閨隊裏何嘗見此風規彤管詩中實不盡夫贊  
述故縉紳曾揄揚於昔日而太史復榮獎於當年維我 宗祠給  
胙行乎春秋送匾肇乎鄉黨此真 祖宗之巨典家廟之特恩也  
際癸卯之年乃出闈之日香魂雖召於玉壺芳名自垂於宇宙德

既冠乎閨中賞當榮於格外今祠理公議給胙歲分神惠之餘乃  
爲邵拜貺捐田時薦俎豆之事既不濫叨乎祖惠復又鼓勵乎  
人倫發此給帖永宜藏之

雲祥 貞吉 惟式 川若

雍正二年二月十五日祠理 惟周 瑞玉 映籌 汝淵等同給

子嵩 南卿 文卿 齊先

監理其燦 撰文

○森一百八十四敬塘公暨張氏安人傳

公字捷號敬塘天姿英達少工翰墨早歲遊庠久困于場屋居鄉  
之日遇事敢爲趨人之急甚已之私及秉祠事以敦宗睦族爲已  
任慷慨直言不畏強禦故人匕憚其風采整頓規條修輯八修宗  
譜身任祠事者二十餘年其爲一鄉所倚重類如此配張氏幼嫻

女訓于歸之日年十五其時公常就名師讀書於外而安人上事公姑下和妯娌無不盡禮居二年熊羆未叶以公係承繼之身嗣續爲急卽勸公納妾公不聽踰數年仍未育乃自詣公姑所備道其所以欲娶妾之意公姑察其意誠乃獲俞允而更娶陳氏焉日用飲食皆與已同越數年而長子生愛之若已出後又舉二子俱爲保抱維持撫摩鞠育無不備至居常椎髻操作日夜庀其家事俾先生無內顧憂皆安人之力也余與公爲莫逆交因知公之生平併知安人之賢德茲值其族有譜役爰叙其大畧而爲之傳

康熙三十七年歲次戊寅維夏之吉

眷晚生郡庠葉乾頓首拜撰

○外翰林伯斌公傳

行森一百九十四

凡爲士者德行符其文章難矣功名福澤復與文行相埒難之又

難者也求其若合符節者則惟我公公生而穎異讀書務在躬行  
故其生平慎名節飭廉隅謹繩墨敦倫紀其發爲文章也溫潤洋  
溢悉皆性情之流露自補弟子員至食廩餼累見知於學使者海  
內之佩服其文章者無不以有道仁人目之公雖困諸生至壬戌  
科以明經任雲和外翰雲和山邑也公至聚生徒於官舍教以學  
文修行之方士風丕變當事急欲薦公而公興念鱸尊矣解組時  
長公業已蜚聲庠序冢孫復揖讓黌宮其他蘭桂皆嶄焉露其頭  
角萃數世於一堂公皆撫摩而鞠育之抑且所居之地四山環拱  
雙水合流公日携筇倘佯於佳山秀水間朝課農桑夕課詩書一  
切塵事毫不撓心公之德行文章若此功名福澤若此能文之士  
鮮有與之比隆者雖然文可以學而能行可以修而至七功名福  
澤是殆有天焉不可強也吾願世之慕公者學其文與行焉可矣



雍正己酉桂月

丙午舉人年家眷晚生吳建拜撰

○南強傅太翁序

行森二百四十八

先生邑庠庠字允展南強號也婺郡傅氏代稱望族詩禮相傳賢  
裔濟美今值集修宗譜其中品行足錄度必誌之以垂型於後則  
翁之生平嘉言懃行誌之已悉予不復言特其號南強則自有設  
跡其行實年踰七旬謹守碑訓潛志詩書超脫塵俗不履公庭非  
擇處已之道而自守者能之乎治譜傳家敦倫睦族鉅姓要務也  
昔年公推翁同海臣年伯子捷先生輩歛資修譜與理祠務三十  
餘載共稱和衷久無僨事非擇處衆之道而不失者能之乎翁其  
君子人與而姑以南強自號度亦有以含忍勝人處因以號銘心  
而寓自箴之意也翁以義方嚴訓三子長幼步趨先型勤於理家  
次諱範字映疇與予素稱友善其修行力學歷應鄉試夙志未售

然席珍待聘遇必有時也爲予言翁康熙五十八年四月十七日  
僊遊康熙六十一年九月二十日葬於埠楊塘景濂宋先生墓前  
案山之東辛山乙向因並序之以誌不忘

雍正六年蕤賓月

穀旦

癸卯科舉人揀選知縣年家眷晚生莊甲頓首拜撰

○森一百五十八太學墓回龍山墓誌銘

開友氏字惟點諱爲哲君持公之冢子也君生魁梧瞻詞倜儻有  
大節幼好陸博投壺鬪鷄走馬公因晚年得君俯意從之聞呶唔  
聲輒投去一切戲具專心經術習禮義精詩書尤好爲古文詞每  
作一藝塾師嘆爲絕好者非君好也君自爲好者友人亦目爲狂  
識者知非狂也會壬子韓子以古文章發軔北雍君執韓文傲友  
曰吾固知暴鱗點額之鱗必潛太液起龍門婺池水沒肝耳安能

起化鯤哉是時君從兄去非氏者東鯉召至都中令入辟雍君遊  
國學所交盡南北名流然不喜奔競每謂人生七尺軀須挺然獨  
立伸已志可也胡乃俾紕織趨脅匕然如夏畦求大人成各乎托  
養親束裝歸館中諸公方餞之海岱間俄然而馬首南矣嘆息久  
之君家居嘯傲東山擇人乃言擇噐乃飲儒衣濶論虛無飾僞者  
君片言必折其角由是鄉人愛畏且半無何值君持公喪憂傷已  
成消渴不逾年又有母氏之變苦次勞戚用是不起得年四十有  
一於三十四年厝其柩於村南回龍山嗚呼傷哉雖然君以孝死  
子職耳庸何傷今君四子各執一業守家範而敦孝弟遑然以薤  
祭爲事行將各大門戶君亦可含笑於地矣惟恨我與君十年間  
不得晤言爾室僅能勒銘於山阿聽松柏之蕭匕不覺涕之漉匕  
也于是述其慨而爲之銘 浩然之氣在兩間塊然之魄在南山

望而曠焉源而長焉爾子爾孫淳也興焉後之傑人而臨土者孰不曰此其爲開友太學之阡

康熙辛丑年桂月

同學叔本鍾沐手拜題

○森一百七十九文學傳

從兄諱爲樞字子楨別號岐峯從伯天如公之三子也兄生不龜姿性穎異好讀書既長氣宇軒昂博聞廣記工詩文與多士試屢七前拔故唯一先生稱爲高弟奈數竒秋闈不利因而慨然曰功名富貴是有命焉不可倖而致也與其有名於外孰若無憂於其心爰是居東山著述自娛督率子弟讀有課耕有省稍不謹者卽正言誠勉未嘗假以辭色是以其子姓循七雅飭內外肅若性嗜酒雖多不亂元配余氏有賢德自奉儉約其脆以養舅姑肥鮮以供賓朋勤求菴勉與吾兄相維持者二十年嫂氏先卒兄亦不再

續迨至晚年做宋人耆英之意會弟兄有聞望者朝夕聚首飛觴  
醉月分韻獻詩時而靜坐時而手談怡然自得也端陽日其幼子  
明卿肅衣冠揖余而告曰吾先君在日與叔知心今家譜將成不  
賜一言誰表先君實行耶余雖不能文義不容辭爰述其大槩以  
爲之傳云

雍正六年戊申蒲月

邑庠生再從弟爲楮頓首拜撰

○先君柳塘公行狀

行森三百二十四傳士

先君諱正權字懸誠號柳塘行森三百二十四爲大父誥封光祿  
大夫薇長公之子方五齡而大父以壽考終斃也子立祖母與太  
祖母最憐愛之稍長而祖母與太祖母相繼而逝乃能舉喪葬之  
禮且繪像以祀而誌不忘爾時家固素封連喪三親又益以供賦  
之煩是以家延漸費先君雖習舉業亦且棄去不獲進取壯而友

教於四方者有年生平樸誠自矢然諾不爽持已以謙接人以和  
雖有犯者亦未嘗較也至若嘉言懃行輒錄之以訓子孫高賢達  
士每虛心而善下焉年雖耄而嗜學不倦尤好古文詞而吟咏不  
已抑且孝以奉先遇祭祀必誠必敬而不敢怠享壽六十五而卒  
元配施氏安人賢淑內助蘋饋協理不幸早去世合厝于十二都  
上沈青龍頭山生四子長曰光燾次曰光煜幼曰光燧三曰光焯  
更名繼祖爲邑庠生焯生當八歲而安人遂歿先君以舉業課余  
脩極艱辛而伯兄亦力爲贊襄歲庚寅入庠不數年而先君以壽  
終余追念父兄培植之德撫育之恩滋然泣下爰摭事實借楮傳  
之載之宗譜俾吾後人得有所攷云

告

雍正戊申年花朝月

男 光焯 敬述

東山子勉翁傳

行森三百四十

余識子勉翁稔矣久思有以表彰之而未逮也今歿且二十年而  
聲光不墜久而彌芳燉蹟懃行實有不容磨滅者余每見名家子  
志趨不凡溫文閑雅雖夷猶於闕闡間不峻崖岸不設町畦抑然  
常若有以自下迥然不浮沉於流俗雖其天性然哉亦緣乃祖乃  
父式穀之詒承藉薰陶其所由來者素也東山傳翁諱爲楸字子  
勉別號純齋爲海臣先生冢君生而魁梧峻整有幹濟才家素饒  
翁綜理家務井然有條以故日積月累丕振家聲待諸季魚匕雅  
匕未嘗失言失色下至奴婢臧獲皆馭之有道靡有後言待人雖  
嚴肅之氣凜然難犯而立心平恕不苛人短溫厚之懷又未嘗不  
流露於其間居家惟以謹厚爲訓以孝友齒讓爲先淳風厚道可  
以式一鄉淑配吳夫人自名閼而子歸姆訓素嫻聿修闡政婦道

母道不愆于儀誕育三男振七濟七長次並重南雍幼子蜚聲序  
序久從余游洵人中佼七俊爽英多一旦搏鵬程而上不知幾千  
里也嗟乎夫千尋之木不植於培塿浩瀚之水不滙於沼沚今以  
子之昆季咸克負荷無忝前人孫男葦芝蘭玉樹挺秀於庭除孰  
非翁之積義累修醞釀於冥七之中而得此也乎戊申秋季子奎  
卿以乃翁之行狀請余甚樂之夫表揚先德人子事也闡喆人之  
芳躅發潛德之幽光余夙志也爰畧叙其巔末用寄遐思抑亦以  
興起來者

大清雍正戊申秋季中浣

歲進士候選儒學教諭雙溪眷侍教生沈之升頓首拜

○貞一傅先生行狀

行森四百五

公諱爲榭字子幹庠名幹號貞一爲環輿公次子生有異秉方總



角作止有度已異常兒比長就塾讀書資穎悟涉獵經史百家言  
每一過弗忘年二十餘補邑庠弟子真試輒高等文譽鵲起翩  
有凌雲氣以數竒不獲吐志場屋諸同學莫不交相扼腕先生處  
此淡如也族人羣奉先生督祠事祠中舊缺篆爐先生捐重貲倡  
鑄藉以薦馨香奕禩尊祖敬宗卽此可推家世號素豐先生恒抑  
匕自下以誠存心以恕接物以嚴肅持家課子以樂施好善恤族  
黨鄉鄰跡其通有無周貧乏曾不屑計償圖報尤不樂邀譽任功  
晚年息志科名蕩滌塵俗乃列碁局杯茗與數莫逆友日相談笑  
時復卽景賦詩錄成帖其詩質實而腴率皆本性情之真抒襟期  
之曠非徒爲風雲幻想月露浮詞已也居嘗自評謂書有未曾經  
我讀事無不可對人言此二語頗與已合云卒於康熙五十七年  
享壽六十有四元配葉氏繼娶金氏陳氏生丈夫子六皆以孝友

聞女一一適李一適國學生楊嘉逢嘉逢字聖源與余交戊申夏  
值傅氏重輯譜牒聖源以先生行狀屬予不克辭爰次其梗槩  
如右在將來有采擇而加之意者爲先生誌墓撰傳垂諸久遠尤  
余所深幸云

昔

雍正六年荷月之吉

吏部揀選知縣甲午科舉人年家眷晚弟王廷珠頓首拜撰

○深塘一是公行狀

行森四百四十二

發東有深塘里其地多平岡漫陀茂林脩竹予常往還其地輒低  
徊而不能去其先由東山傅姓析遷居此癸酉歲予西席其鄉其  
鄉之長者往七過從予館稱一是傅公之爲人因知公誠古道君  
子也公諱爲湜字一是行森四百四十二爲人賦性孝友秉德靜

廉處家庭整肅而寬平伯仲聚居各敦仁讓一門以內怡也如也  
崖岸不形而區處冗務方圓中節與人交然諾必重取與必嚴遇  
人難阨推解以濟于是閭里沐其休童叟含其惠一鄉之中薰其  
德而善良者往也有人生平敦樸不事繁華課子弟各守本業耕  
讀之外無他事故家產日豐孫枝蕃衍衣冠秀起皆公之遺也安  
人劉氏名門淑媛無非無儀克敬克戒鷄鳴視夜佐夫子以勤儉  
起家淑慎溫恭其天性然也當日式穀之遺雖屬翁之盛德所爲  
亦多緣內助之賢淑云翁四嗣曰涿曰藩曰澣曰汴伯與季同登  
太學而仲則簡赴賓筵錚也倬也皆鄉國士也孫曾之輩桂蘭挺  
秀相其器業皆可大振門閭迄今覽山陵之秀麗觀竹木之扶疎  
古稱人之傑者產於地之靈而地之靈亦以人之傑吾於深塘之  
傅公徵之矣于是次第其行狀以俟後人之考述焉

昔

乾隆廿三年秋月

邑廩膳生眷晚生俞化龍拜撰

○華麓公行狀

行森四百五十一府君

長山之東傅姓最著俊士名鄉先後迭出庠生諱子章號華麓者由貢監考授司馬乃余素交因深悉其生平焉天性孝友善體親心友昆仲年未三十而失怙整齊家政諸事諳練凡有所舉皆應之裕如昔令先翁瑤菴公拓別墅適志園於族之西中道云逝停柩於適志堂中晨夕供奉儼如公在座也于先人所構適志園中延師訓弟歷年獨任而禮意不衰一時四方英俊之士接轍而至公款燕豐隆相與獎勵而成就之故東鄉文風爲之大振公之力也生平慷慨樂施郡之文昌縣之育英莫不身先倡助好義類如此性灑落書史無不涉獵會其大意每與名人相爲唱和間獨

風致別業中名花異卉四時不絕興有所之則集朋儕于四可亭  
把酒論文分韵賦詩課一壑之葳蕤較四時之晴雨優游以樂天  
年公之志于是適公之為人亦于是可想矣嘗謂士之處世營七  
利祿以至俯仰勿伸進退有阻以視公之無求於人自適其志者  
其得失為何如也予重公之德而又羨其適也於是書其概於左  
康熙二十六年歲次丁丑陽春月之吉

賜進士第

眷侍教生張世安拜撰

○森四百五十五傳公傳

翁諱為引字允度號右塘行森四百五十五姓傳氏東山人傳係  
長山衣冠巨族甲於本邑翁謝棄已經六歲矣適今修家乘令嗣  
映美暨族侄孟然屬余為公傳載諸宗牒余自慚不文而忝在戚  
誼不能辭因即其狀而書其事翁生而明敏長而勤謹家素封因

早督家政不克終肄業生平崇儉敦樸重厚寡言不暴人短曾先  
糾常建承敬堂後復構數十楹俾子姓各有寧宇族推督祠事公  
正敢言性好施時歲歉者三捐貲賑恤無倦有某者積負人十多  
金將鬻妻償所值翁代之還晚歲加憐困窮焚券近有百紙元配  
陳氏婦翁乏嗣爲之營葬立碣送主俱身其事後惟祝融之災賢  
嗣輩復構六肯堂以繼志焉丈夫子六孫男曾孫十有幾元配先  
公亡翁享年六十有八考授經廳祖父叔兄皆爲庠生一門濟七  
里中皆稱羨之先人無美而子孫稱之是誣也有善而弗知不明  
也知而弗傳不仁也此三者君子之所恥也今映美欲傳其先人  
之善非志君子之行者無此後有賢大夫表厥宅里將採翁之善  
行留諸邑乘豈特爲鄉之善士而已哉卽以余言爲梗槩可也

雍正七年旦月之吉

義烏邑庠眷待教生樓宏頓首拜撰

東山傅氏十一 修完記  
○森五百十三府君序文

東山傅氏望於長山舊矣地氣凝厚代有俊偉卓犖之士而條源先生則尤立志較然不欺其素者也先生諱爲楸字子翹條源其別號也爲環輿公第三子器宇凝重穎敏絕倫弱冠卽蜚聲邑序使獲展其驥足馳而驟之不知伊於胡底爾乃緣親老家居孝養厥父母凡饗殮寢處必躬必親融匕洩匕勿少間處昆季怡匕若友朋不私一物家素豐而敦宗睦族好施予求靡不給貸無不濟人咸嘖匕曰夫人活我辛丑歲歉遐邇嗷匕待哺先生惻然請於邑侯汪倡率捐賑措置有方人被實惠 邑侯以其事止之省郡咸褒獎之本邑修葺

文廟邑宰欲得一公忠勤幹者董之而難其人特柬請先生督理庀鳩不憚勤劬凡三閱寒暑功始竣 郡侯唐 邑侯汪嘉其績先

生不居曰此我一公之志諸君子相與協贊以底厥成也其謙而  
彌光如此先生制藝發聖賢之奧旨不以富麗爲工不以浮誇爲  
尙晚年以家政委之二男惟棋枰酒榼爲暮景生涯書篋詩囊作  
隨身伴侶暇則製家訓以垂誡其後語人必以孝友禮讓爲諄匕  
而鄉亦用是以式化根之茂者其實遂源之遠者其流長先生子  
若孫振匕濟匕芝芳蘭茁挺秀於庭階玉質金相韜光於笥匣豈  
倖也哉其所由來者素也至於仰承先志丕振家聲是在賢昆仲  
輩而已余固不斐因令冢男文卿以余爲素習於先生也者乃因  
其請而叙之以誌不朽云

雍正戊申初夏上旬歲進士候選儒學訓導

華川眷侍教生沈之升頓首拜序

○雲章傅公傳

行森五百五十八傳士



雲翁諱爲楮字惟翰別號雲章森五百五十八其行乃謙菴公晚年所得之三子也狀貌魁梧資性明敏甫六歲就塾師穎悟超羣幼卽能文族先輩皆嘖七稱道俱以大器期之又善體親心承親志措施謹慎父母咸歡愛之弱冠遊庠志存揚顯無何雙親與生母相繼而亡雲章時年二十有四哀痛迫切竭力大事葬祭咸盡其禮以哀毀眼目患痛久不能愈故不得遂其青雲之志其於父母也雖謝世逾旬或偶念及輒流涕悲痛朔望登墓拜揖節奠親伸誠敬至老不衰雁行有四公居其三仲先父母而亡孟繼父母而歿幼離父母而穉孤侄弱弟毫無間言撫恤靡不周至稍歉義禮訓誡勿行姑息而弟侄亦信其心之直舒誠悉順恐後伉儷偕老和敬倡隨內外合德閨中肅若義方教子至於賓友往來歡藹款接處世遜忍中無卑弱剛介中有和柔詼諧快朗外若可親慎

密凝重而內不可褻遇有危難告急竭力排解不辭其勞知名之士無不樂與之契合推爲祠祭酒其經緯廉節更有足重者公內外行誼皆卓匕可稱道如此誠所謂鄉先生者與爰次第其事而爲之傳

康熙三十六年歲次丁丑膺月歲進士

眷侍教生張應祥頓首拜撰

○越椒公暨王氏安人行傳

行森五百七十四

公字子蕃庠名蕃天如公之第五子也家世積德行義公爲幼子雖早失怙大有父風幼奮志芸窻一試輒遊泮序兼工書法學贍鍾王及秉家政外雖嘻匕而內則謹勅貌雖方正而性最慈祥每見親鄰因乏傾貲倒篋而賑之願里閭有雀角之爭隨屨勉以排解之元配王氏出自名門相夫以敬事姑以孝值姑病臥床褥多

方奉侍戚已靡寧逾久勿衰長君星若於予相聚有年知其才氣  
超越甫試卽冠羣英其飛騰正未有艾也豈非公之厚德席慶而  
能有此耶迨至辛丑年臻花甲與一二知己遨遊都下遇劉公者  
延至府中一接恨相見促膝之晚由是情好日篤不啻骨肉之親  
也未幾而謝病以歸適族內九修宗譜衆薦譜長其於支分派衍  
實能條剖縷析矢慎矢公今年幾七十與安人齊眉矍躒俯視孫  
子滿堂曾孫俱長行看聯翩鵲起以光大其門楣云

雍正七年仲夏之吉

義邑舉人候選知縣年家眷弟陳世德頓首拜撰

○森五百八十爲銍妻許氏孝行傳

孝順德也能竭其力就養無方雖鬚眉丈夫猶罕見之况巾幗柔  
媛乎故深塘孝婦之事有足述者婦許氏爲傅君爲銍佳偶温恭

淑慎雅執婦道相夫子以敬事翁姑當時卽以孝聞未幾而翁沒  
矣惟與姑相爲依倚凡所爲問寢視膳昏定晨省之節婦事之益  
謹一日者其姑寢疾婦卽與其夫質釵僦藥以調劑之醫數易勿  
克效無何姑疾劇甚婦皇廼無地因夜禱於天竊割其股代藥餌  
以飲之達旦姑疾如脫婦幾頰於危仍勉自裹瘡調甘旨以進常  
侍左右不去當其時姑但喜藥之靈而不知婦之割股也婦亦不  
以告人鄰婦有覘之者因聞其事於族之縉紳長老而縉紳長老  
莫不共嗟異之遂欲白之於官以旌其孝以其年尙青竟不果爰  
於每歲春秋薦廟之日特錫胙以獎焉殆以勵族之凡爲婦者嗚  
呼婦之克孝如是匕鬣眉丈夫所不易見者胡反得之巾幗中耶  
予因畧書其事以俟後之主持風教者闡幽德焉

乾隆廿三年蒲月

金邑廩膳生眷晚生俞化龍拜撰

○森六百十黃氏安人節孝傳

節孝黃氏者吾從叔子型媼也從叔天性純良襟懷豁達八方以大器期之年僅弱冠而卒媼黃氏年十六而歸吾叔聰慧柔順內則素嫻相夫子以事舅姑盤匱滫飴曲盡婦道大得舅姑歡心伉儷一載而吾叔抱恙沉綿床席者年餘媼躬親湯藥幾至飲食俱廢幸舉一子諱光鑣匝月而夫已登冥錄蓋媼年方二九慟哭欲絕以懷抱中之呱也者在爲所天延一綫之遺自是矢志靡他茹荼忍苦三年服闋始一歸寧父母憐其青春勸其自爲後計輒艱然不悅曰吾舅姑在堂子未離襁褓忍令夫子後日單塚乎區也此心奈何不諒之甚也以故遂告歸後數迎不往始終惟承順舅姑飲食衣服之節務竭其力妯娌頗多悉皆雍睦和睦且共感其苦心焉撫養已子稍長延師課業及成人授以家務訓以義方而

子亦克守先人之業於癸卯年遂督其子率孫五人葬其夫於大山塢葬祭咸盡其禮人皆稱其爲女中丈夫焉今且皤然老矣松筠清搯嘖七人口族祠給胙旌獎聊以爲報云爾子光鑣字惟輝與吾莫逆請予爲文予因表而出之以爲後人勸

從姪邑庠生若星頓首拜撰

○敬山公暨曹氏張氏二安人傳

公諱爲楸字子慎行森六百十二敬山其別號也昆弟五人次居四邑庠夙儒環輿翁之子也余素仰其徽風而無由識荆後以吾姐從井滌之操得盤桓有年因知其生平之梗概且并悉曾娶曹子穎公之女僉謂其秉姿淑慎善事公姑和敬著聞人欽其德時已鸞分中道矣遺一甥女今適鎖園公性孝友其事二人溫清定省久而勿怠諸兄在上躬任勞瘁而隅坐隨行

之節未常少替也才情敏達而以渾厚濟其精明故其於居鄉也言之未嘗不直而人之聆其言者莫不曰直而溫處事未嘗不剛而人之欽其事者莫不曰剛而正至若分人以財拯人之急事不勝舉亦非公之所難也吾姊之嬪於門也翁已逝矣姑猶在焉姊則竭盡婦道敬事不懈及姑之病篤不起閨中禱祝願以身代默以祈神之佑而不求人知也至曹氏所遺甥女年甫九齡壺範之教懷養之恩深於已育雖質之孟光少君之賢無多讓焉是以德性幽閒播傳宗黨真可謂夫婦合德者矣育五男今俱森匕玉立亦孫繞膝矣今者諸甥以閭族續修家乘而必欲表揚考妣之德以傳於後使後世之子孫得考其世系以識其先公某祖母言可道而行可法余故樂爲之道而以不文之文次其大槩如此云

雍正七年歲次己酉孟夏之吉

邑庠生內弟張國翰頓首拜撰

○立約衍慶堂首事為瓘等今領得

森六百十二府君派下基地一片計時價貳拾兩正面斷義助永  
遠每祭給胙肆觔每年四月初一日享燕三位此照

乾隆二年四月

日首事人

為瓘

字其琛

紹樞

字辰山

見人

為鏐

字儀翔

祠理

惟周

惟明

景和

景星

川若

齊先

約

商賢

紹陸

字步宣

并書

○森七百二十劉太君節孝傳

我婆凡邑素號名區而金華又為小鄒魯稱最盛焉山川靈秀所



鍾其間若忠臣孝子節婦烈女代不乏人而節孝兩盡尤爲婦女  
難事今特爲表之清河劉太君係庠生閑如公淑配也生而婉麗  
卽諳姆訓十七歲歸嬪傳門親操井臼供箕箒孝舅姑敬夫主調  
和妯娌慈愛家衆種七婦道靡勿克殫舉二丈夫子長光燿幼光  
杰無何公年甫三十三遘疾太君脫珥延醫不効淚潛七呼天禱  
告願減已壽以益其筭而公竟不起及公歿時太君年三八哀毀  
骨立悲慘萬狀幾以身殉舅姑百端解之曰吾門祚薄天奪爾夫  
然猶幸遺二孤宗祧有托第長若幼均在襁褓稚年余二人又垂  
白媳捐軀於若則得矣如老幼何遵堂上命含淚而止自是屏鉛  
華揮綺麗守禮三年如一日撫養二孤成人教以義方厥後二尊  
以次捐世喪塋盡禮太君自二十四歲居孀溫清定省婦以代男  
畫荻九熊母而兼父純完亮節人無間言宜天厚其報俾以大壽

年躋古稀而且玉樹森庭琪花繞砌或耕或讀家政井匕有條大君之遺教亦可想見一斑矣是歲之暮春長男燿字廣生與晚有瓜葛之親因族修家乘索傳於予欲爲母氏誌不朽晚愧不文再四辭之不得已爰約略梗概爲之傳

告

龍飛乾隆二十四年歲舍己卯暮春下浣之吉

義邑庠生眷晚生吳盛頓首拜撰

○叔盛傳翁行傳

行森七百二十一

公諱爲楸字叔盛庠名盛號重遠太府君子美翁之仲嗣也性英果慷慨有大略好讀書善屬文年二十九太府君早逝其伯兄方求異居一切家政悉以委公公處之裕如事母俞安人孝養備至內外無間撫二弟友愛誠篤直有姜門大被之風然諸務慳勿之

暇未嘗不與詩書相對也未幾遇督學鄭公遂補博士弟子員而  
 家聲丕振產業加隆以視人世呶晤章句不識世務之士相去遠  
 矣且當府君之歿也合祖父兩代靈輻雙懸公食不甘味爰糾集  
 派下子姓謀之莫不聽命遂卜地於長生塘之上而合厝焉又何  
 殿于庄舍中有廳堂數楹旁舍數十間居公家祖塋下手不但為  
 租課居積之所亦風水蔭庇所關係誠重也歲壬辰公因廳房傾  
 圯欲取木前案山以為葺具案山原有庄家蔣姓坟穴時為公祖  
 所贈歷久遂忘所自訐訟公廷公理直氣壯令人屈服山木仍歸  
 故主迄今堂舍巋然祖塋藉以廕庇者其力為多矣大塘橋路為  
 往來通衢歲久橋圯公觀之惻然捐金伐石鳩工修砌經彌月餘  
 遂成大道益公之練達時事見義必為率皆類此他如推理祠事  
 重輯祖廳督修宗譜無不矢公矢慎聿著成勞歲饑議賑捐倉出

祭生活甚衆至於接待師友東山之座中常滿好延賓客北海之樽酒常盈訓飭子孫有燕山之義方輯睦宗族師公藝之書忍嘉言懃行不可枚舉其先世賢田之設由來已舊中遭變易公挺身爭之歲閱四載事經府縣五主田仍歸舊前以綿先澤後以啟書香其功豈淺哉公今年踰六旬俞太安人年垂九十尙康強善飯上有其旨承歡之慶下有曾玄五代之祥夫婦齊眉子孫繞膝近今以來天倫之樂未有若斯之盛者也舉丈夫子三長光炳字景行次光煇字景書三光炅字景星庠名芳升曾元十有數人其壯者或助成家業或奮志書香其幼者皆森匕玉立氣宇不凡將來均爲跨灶子景星從余遊品行文藝綽有父風不愧膠庠名士公與余素相友善今且屬之姻婭心竊向往焉故約略其生平而爲之序

雍正六年戊申孟秋之吉

義邑廩生眷姻弟沈清拜撰

○遺澤堂跋

大宗祠贈行森七百一十一公

歲在甲辰吾族因追遠堂日漸就圯思一舉而新之然有志焉而未逮也裔孫爲楹庠名盛者首發其議一倡羣從於是遂迎請祖像於巳之一適軒權爲妥侑之所越明年工竣復迎還故居則今之堂寢一新几筵增煥者皆倡議之力爲多而董事鳩工又居吾族之首堂旣落成咸舉酒而祝之謂我祖去今三百餘載一旦惠臨其宅我

祖之靈爽馮之卽

祖之遺澤隨之矣居無何而諸孫濟匕五代之瑞慶集焉將來之福澤綿匕者正未有艾也爰顏其軒曰遺澤堂以爲誌云爾

龍飛雍正三年歲次乙巳黃鍾月穀旦

大宗祠給

○森七百二十四肅若公行述

飲賓肅若公州司馬瑤菴公之仲子而彪之婦翁也稟性質直篤於孝友先是瑤菴在日嘗營別墅適志園爲娛老地翁隨之出入常侍左右執事惟謹及瑤菴公沒未卜地權殞於園之中堂翁朝夕奉奠如生時見父所植一花一木輒撫之流涕旣葬後遂不忍復至其處事母葉太夫人曲意承順夫人壽九旬其時翁亦皤然老矣甘旨必躬奉至歿未嘗稍怠也昆弟析產一切置之不問曰吾之兄弟而有不均者耶生平未嘗營積恥爲深刻與人居和平樂易行輩居長對卑幼子侄藹然可親愛整潔庭除窓几一塵務必去之幼時讀書學文不及卒業晚年好讀書最喜聽讀書聲嘗於居舍側延師課諸孫族內子弟亦與聞勤讀者則嘉獎之或失曉則自披衣起爲之鳴柝以警之故其時人匕激勵其年翁之孫

士望以童子入泮翁益喜彌加鼓舞又嘗自顏其堂曰茂槐軒曰桂芳翁之所以望後人者其志可見矣自翁沒後數十年來派下家俱清索而詩書之業常存茲歲秋試其曾孫文光以葩經魁省闈彪竊喜曰此吾翁當年勤種德而好讀書之報也翁諱檄字子敬號肅若享年七十一歲而卒元配安人陳氏中饋是修言不出閨清羸善病然卧而治之門內肅然繼配王氏安人則彪婦所從出也謹肅和慈時諸子婦事之執禮甚篤安人溫然相接一生清齋理佛而已嗚呼彪爲翁門下壻憶始拜翁時方垂髫耳今翁謝世久矣音容馨欬彷彿記憶然知翁者宜莫如彪惟自愧無文不能揚公之德要之翁自有可傳者亦不在彪也爰次其大略於左以俟鉅筆爲之傳翁四子詳於系行茲不復贅也

皇清乾隆二十四年歲次己卯孟冬月吉日

庠生子婿黃彪百拜敬撰

○森七百七十四順菴公暨阮氏安人傳

公字子異號順菴庠名異乃環輿公之第五子也自幼性敏常

依匕膝下凡環輿公之一言一動見聞最切罔不熟記於心及

長而遊庠而環輿公已逝未幾而兄弟分居俱克遵父風而公

爲最生平立心正直不阿作事悉敦古道雖時尙有未甚合處亦

決行之不少顧性好古書手不停卷尤熟於歷朝典故常與人言

之親切而有味也至於歷此祖宗彝訓皆能記憶以示後人蓋其

奉環輿公之嚴命者耿匕不忘也以故恤貧捐賑不惜金粟敬

老慈幼無分遐邇迨至暮年凡環輿公所未及爲與所當爲之

事一切皆率其子姪而倡爲之族中尤修宗譜捐數十金以繼父



志衆推爲總理此其生平之大槩也安人阮氏生一子遺一孫育  
二女長適邵次適李安人自適公助以成家公性常剛直安人則  
從中委勸所以事七克諧其家道日起安人與有力焉行看齊眉  
鶴筭含飴弄孫正未有艾也是爲傳

雍正七年季春月

邑庠生從侄若星拜撰

○森七百八十一公行傳

公諱爲欄字叔餘子美公之三子也少喪父事孀母克謹伯兄析  
居而公與仲兄季弟仍合產仲季習舉業公以隻身仔肩家政未  
嘗一日舍業以嬉至家業增隆毫不私入已橐且庄平仗義輕財  
自族黨以至戚友咸沾其惠又自以少孤遇孤貧者益加恤恥爲  
機巧待人或投以機巧付之一笑絕不與校德配徐氏孝慈恭謹  
能助公所爲舉四子

熡炯燠燠

公處之寧噤無嘻後俱克家循七

雅飭幼子博學能文篤行不倦庠序尤有聲稱易曰積善之家必  
有餘慶公惟長者因有是諸子固非獨其教之力也 皆

皇清乾隆二十四年歲次己卯孟夏月吉日

邑庠生鐘湖葉天簡頓首拜撰

○太翁鼎元甫行傳

行森八百  
六十四

人之生也直直者生之理卽易所謂貞固足以幹事者也恭惟太  
翁晚雖未嘗親炙其生平而一種剛直果敢之氣彰匕在人耳目

久矣太翁諱爲鏊字鼎元行森八百六十四係伯宗府君之冢嗣  
也爾時家計尙窘衣食粗足翁盡人事之力經營措置不屑匕於  
計然之書適暗合乎陶朱之術而已不覺田連阡陌富甲一鄉矣  
性最烈遇事敢爲孤寡不凌豪強不攝鄉黨中一切義舉靡不慷  
慨赴之如傅氏始祖以及數代墓碑向多因循未立翁毅然身肩

其任不辭勞不吝費勒碑於墓煥然一新其俠腸風節大略雄才  
使得志於時必將與古人爭光惜其終老巖壑也太母孫氏克勤  
克儉稱賢內助舉四子自太翁捐館后唯日囑兒曹勤修善事贍  
貧乏施棺木金義兩邑界上有水名夾溪每值霖霖山水驟發波  
濤洶湧行人至此望洋而阻有冒險而涉者往七濡首漂沒安人  
常經過其地而見此溪爲通衢之畏途因建石橋一所費至數百  
金於是往來者無徒涉之苦迄今子若孫或名列成均或蜚聲  
仕籍或游庠泮壁家累巨萬完而且美萃居百有餘口已歷五  
世夫孰非太翁正直之氣所鍾而安人利濟之澤之所厚培也是  
歲伊族重修家乘美因忘其固陋欣然握管爲之臚列其梗概如

左 峇

大清乾隆歲次戊寅蕤賓月上浣之吉

丙辰 恩科舉人義邑眷晚生吳輝美拜撰

○先立祠記

聞之古人欲營宮室先立祠堂盖所以上報祖禰下聯子姓典綦重也吾族大宗祠規模宏敞儀數秩然由來舊矣然合族之廟非一家之寢廟爲人後裔念酌先之未獲欲薦享之維殷往匕有旣奉祀於大宗而復自立其小宗者無非取便專祀之意歟我

祖森八百六十四府君係 禮九十四府君之元孫冲幼獨綜家

政其時內仗隻身外遭荆棘我 祖則運量裕如家之興也勃焉

雖祖德之遺所致其拮据勤勞可勝言哉故先嚴與諸叔父荷先澤而溯淵源嘗以建祠專祀之議請命於 祖母孫安人 祖母

欣然曰若然爾父生前鬱匕死後凜匕庶無憾矣爾等速圖之居無何次叔父先 祖母而亡 祖母亦相繼而逝大故頻仍有志

未逮至乾隆丙子孟冬吾先嚴亦染疾而終正寢矣惟時五世同居食指滿百歲計出入倍繁於昔三四兩叔約理誠難合謀析居先議立廟爰度常基在祖廳九如堂之右各輸帑藏以建祠崇祀爲先務經始於乾隆戊寅之季秋落成於己卯之夏日祠制前堂後寢兩廡翼然龕序則以森八百六十四府君爲不祧主而上追四世蓋取五世之義也矧禮九十四府君以文學爲吾族倡暨禮鉅沛府君陰行葆光洪延世澤淵源應追所自派下子孫我所親也亦許以行祔之春秋二祭合饗大宗諱日誕辰特薦寢廟顧是祠也先靈所依公議冠婚喪祭以外惟許延師講學於中至興工動作足以驚擾先靈污穢堂室者槩不得入庶幾登斯堂者優見愾聞上有以隆孝享敦詩設禮下有以振家風由是子孫遠綿斯文日盛未必不由是祠基之也勝曰先立亦謂名稱其實云

是爲記  
昔

龍飛乾隆二十四年歲次己卯仲呂月中浣之吉

孫 紹梓 薰沐百拜謹識

○東山繼來公序 行森八百九十六

公諱習字子習別號繼來爲 瑤菴公幼子生而穎敏有才畧且  
器宇凝重不妄言笑人僉稱其器量年二十有二卽蜚聲黌序使  
不溷以時務得竭其資學之所詣可以立致青雲乃自幼失怙析  
產之後公私之事日益繁劇年四十有九援例恩貢非公素志也  
公家素饒於貲樂善好施求卽與貸卽濟雖屢負亦不責其償值  
歲屢饑公至再至三費貲百餘金倡率賑濟人多賴以存活凡窘  
乏不能具棺木橋梁所當修造者無不捐金助之不少吝人減德  
之總理祠事十有七載矢公矢慎能斷者其才能忍者其量以故

祠事日以清構忿日以釋身先倡捐輯修宗譜朝夕督理凡支分而派別者獨灼然有以清其源流也公孝友敦篤事老母至八旬餘甘脆必具起居必親無少間友愛二昆凡產業之腴美者必以讓怡七雅七聚順之氣溢於庭閭

世宗憲皇帝時採取藍田石氏約法通行郡縣而我婆古稱小鄒魯董約者尤非其人不稱當道者廉公品望使之秉鐸從事城以東咸取正焉其爲當時所重如此砥行立名表式遐邇如公者固非止一鄉之善士也元配沈氏賢而早卒繼娶安人吳氏來自右族家席豐腴而衣澣茹淡不事鉛華溫恭慎默佐公成家公既棄世安人身操家秉課二子成名長諱兌字悅階貢入辟離次諱豐字豫階補國學弟子當六旬大壽時姻黨製錦稱觴一堂濟七安人蓋合家人六四之占如爻言富家大吉而內職舉福祿臻者矣余

黍係瓜葛既已久慕公之德而併知其內之賢于是次第紀之俾授之梓而載之家乘以傳之永久焉是爲傳

中憲大夫知雅州府事前署成都府事護理布政使司左叅議糧儲道印務辛酉科副提調內閣中書充四川量丈使

愚表侄葉新頓首拜撰

○飲賓且翁傳老太翁墓誌銘

行森九百三十

翁諱爲佶字且閑行森九百三十世居婺之東山隱君嘉賓公之冢子也翁幼而岐嶷入家塾出言多驚座上人好讀書不求甚解頗事博涉嘗讀太史公貨殖傳瞿然曰天地自然之利無在不可操贏而巧者有餘拙者不足貧富聽人自命詎有種乎有勸攻舉業者翁曰讀書求識義理體之行習一生受用不盡若僅博青紫呶唔咕嗶亦市賈也吾上有老親下有弱弟家無擔石之儲欲從



夏山傳記 一 傳記  
八股中覓衣飯猶望梅止渴盡餅充饑吾不爲也遂廢著鬻財經  
營貿易家困漸紆初嘉賓公爲翁擇配於吾邑鮑宅筮得家人之  
大畜占者以爲祥遂委禽焉鮑安人于歸後家道日起果如占辭  
翁免內顧憂益肆力居竒吳越荆楚往來不絕益不滿三紀膏腴  
連陌巍屢凌雲子孫森森玉立而賓客填門矣翁年屈服官輒付  
家政於長君解裝焚券絕意腰纏日與親知故舊陶情於山水天  
機觸發信口謳吟皆可傳誦詩酒外口不言出納事嘗謂人生苦  
不知足貪得無厭徒自困耳刷是足跡不入城市然有義舉謀及  
一無退諉如施棺賑粥造亭砌路等事嘖匕人口邑侯趙公聞其  
賢聘請乞言給匾旌獎乾隆八年八月廿九日以疾卒於正寢易簣  
時誠子孫曰吾向習青烏書見從來吉地每由陰陽所得不可強  
求毋爲形家所惑葬吾附宅隙地足矣距生康熙戊午年三月廿

三日丑時享壽六十七歲鮑氏安人母儀婦道詳見七袞壽序後  
翁十有一年而卒生丈夫子二長禹九策名太學與翁起家者次  
甸九先翁而歿孫世錢世亮世雷世慶曾孫從系從王多國器可  
卜門戶之大乃於乾隆丙子年十一月廿七日申時厝翁與安人  
於宅東之成趣園從治命也今春盛族蒐乘翁孫世亮從余受業  
於禪定院乃以窆石爲請余素欽翁範兼附葭莩之末不敢以不  
文辭爰據實而爲之傳

昔

龍飛乾隆戊寅年孟夏月上浣之吉

歲進士眷侍教生義邑吳彭年頓首拜撰

○鼎和老太翁傳及行傳

行森九百八十四二

翁諱爲鑿字鼎和行森九百八十四二成川公之次子樂川公之  
繼子也初樂川公再娶止生一女或勸納側室公曰吾弟現有二

夏山傳氏十一 修定詩  
侄次可承吾祀且此子敦厚朴實吾心愛之螟蛉有子螺贏負之  
無慮式穀不似也翁遂以應繼爲伯後出入兩父母之庭晨昏定  
省內外無間言家本寒素自翁承繼後產業漸拓翁兄鼎元公具  
幹材善揮霍翁循匕脩弟職凡事聽命於兄權不兩操用能上下  
和睦戮力成家富遂震於時伯父歿翁服斬衰盡人子禮伯遺一  
女弟適於季翁分肥吹暝不啻同胞嘗曰吾家非伯父無能有今  
日厚顧妹氏聊以報伯父也後與兄析居不屑匕於豐約厚薄間  
友于式好白首相得咸稱克讓云翁一生不喜華衣美食安分守  
樸與物無爭自承門戶後頗事經營而大指歸於忠厚人亦不忍  
欺與人重然諾篤氣誼家僅勝於中人凡賑饑周急義舉謀及必  
量力爲之無空過者中年後委家政於次君并謝世務歲時伏膺  
烹羔煮酒與親知故舊陶然歡飲其猶有無懷葛天之遺風歟乾

隆甲子年邑舉鄉飲翁堅辭不赴縣主程公題高懷媿古給匾獎  
之享年六十五歲而卒族人至今思之翁前三娶俱無出早逝繼  
娶仇氏生一子名光瀨仇安人復逝後娶童氏生三子光淇光澍  
光澄童安人母儀婦道俱有可稱今尙矍鑠光淇字德瞻個儻有  
才幼年佐父起家其餘伯季亦綽有父風諸孫頭角多出衆狀語  
云有陰行者流澤必長翁之謂歟

皆

龍飛乾隆戊寅蒲月穀旦

歲進士眷侍教生吳彭年頓首拜撰

○森九百九十六太學像贊序

噫此額廣願豐神凝氣冲者乃吾契弟芝三先生也與吾莫逆交  
其行誼丰采余盡悉廼余拙於文而不能盡述略取其節槩言之  
弟忠信篤敬孝友持身於族黨親朋無不篤厚輕財重義知交告  
乏贈金分粟累至千百勿吝也其居家綱紀整飭盡子職以歡父

心早歲入北雍旋授州司馬志卓而才高從容恬雅而應事有方  
平居雖養望自重而未嘗以聲色忤人故族中諸長者皆樂與之  
交方將大有爲而奚爲其遽歸耶豈天之長其才而短其用耶抑  
亦厭人間事而返駕乎蓬萊之間耶嗚呼古人有云成名者爲不  
朽有子者爲有壽弟其令聞廣譽寧馨續後矣雖沒之日猶生之  
年也

雍正元年孟春之吉

邑庠生知兄爲楮沐手謹撰

○飲賓森一千七十一公傳

公諱爲鎌字純美沛一千九十五之次子也幼而岐嶷好讀書不  
求甚解而產僅中貲先太公與太夫人每竊嘆曰一家之內食之  
者衆生之者寡其奈之何公聞之憤然曰丈夫志在四方安見商  
賈之不克崛起也遂挾貲遊於鄒魯吳楚之郊經營貿易數年之

間果得竒羸而歸以成家業二人含飴弄孫顧而樂之公方欲左  
右就養而先太公已奄然逝矣長兄亦相繼捐館公不勝悲痛歲  
時伏牖未嘗不唏噓而泣曰祭而豐不如養之薄昔常不足而今  
有餘嗟何及也公年耳順而太夫人已皤匕老矣而公之孺慕不  
懈歷終身如一日也今太夫人將爲百歲之瑞人皆公之善體親  
心調獲曲至故太夫人得優游而樂遐年也公生平正直不阿取  
與不苟府學陳師慕其行舉耆賓公辭太夫人諭以捧檄爲歡之  
義因遵母命爰應賓筵以副大典額曰珪璋聞望公之元配吳氏  
溫恭柔順早辭世繼滕氏舉丈夫子三長光旭早卒次光旭幼光  
龍俱克守父業而且頭角亦漸崢嶸矣先是 家叔氏孝廉公諱  
世德者講學於東山之麓余亦從遊受學因得登 公之堂親公  
之範知公之悉因亢宗世任之請緣爲之傳以彰公之實行云爾

乾隆廿四年孟秋月

日 眷世弟義邑庠生陳宗賀頓首拜撰

○太學其輝公傳

行森一千二百

周書公生二子其次爲予妹婿公其冢嗣也字其輝諱爲瓌康熙  
辛丑予省妹氏於東山與公相見握手甚歡縱談連日夜詞氣豪  
邁如風發泉湧咄七逼人己見其二子方髫齡已英七露爽後予  
仕蜀十五年丁先太君憂歸里路經常山有偉丈夫服八品服迓  
予於道左者詢之則公次子也奉檄分汎於常下車與語始知公  
辭世已十餘年矣時予方經營塋事無暇應世務迨服闋當起復  
之官過別吾妹始得與東山父老相存問道故舊語及於公無不  
太息追慕且述里中有設木主祀公者予詰其實告者曰其輝公  
仁人也性慈愛好施與嘗有負公貲拮据以償者公廉知其壯未  
有室返其金令娶婦不責償又有負公無償擬鬻其妻者公聞之

亟召其人焚其券且貽以錢穀慰遣之又嘗覽岐黃書製藥餌濟  
人數十年不倦一日有丐者乞於門癘者也公見之熟視曰是尙  
可療奈何弗急治丐者辭以貧公惻然留於家膳之且出雙釧爲  
質藥親炮製以進月餘果瘳涕泣拜謝而去後其人力作成家且  
生子前所稱設木主以祀公者卽其人也公仁人也予聞之聳然  
曰仁之感人也若是乎東山爲郡望族富比封君者頗不乏人其  
力能濟人宜倍蓰於公而身後泯亡者比比也以視公之遺愛歷  
久不忘何如耶易曰積善之家必有余慶公丈夫子五皆鸞停鵠  
峙將來成就正未可量謂非天之所以報施仁人者哉今年東山  
輯家乘如公者不可以無傳爰述予所聞者爲之傳以附於譜俾  
後世有考焉

乾隆廿四年孟夏月上浣之吉

眷姻弟葉

新頓首拜撰



夏山傳曰一  
文學其璨公傳

行森 一千二百八十一

傅益字其璨一字謙夫周書公次子余妹婿也天資穎異讀書過目成誦然性豪放厭羈束周書公患之嘗扃其書室俛不獲遊嬉者數年用是得縱覽四庫書應童子試輒異等年弱冠受知於督學汪公補博士弟子繼督學鄧公尤賞其文拔食廩餼以勵之期其大成其璨文名自是播郡邑公旣博涉羣書而才尤敏捷對客揮毫千言立就不須點改人之巧文者無不饜其意而去雖潘江陸海之富八又七步之奇無以過之也中年氣益豪交益廣錢帛如土隨手輒盡不恤也所至戶屨常滿尊酒不空家以是漸落而名愈高故道其璨名知與不知咸稱曰豪士豪士云族人服其識幹公推總祠務倡議建庶母祠於祖祠左俛歷世側室有子者咸得依考妣享春秋祀建關帝廟於村傍爲朔望宣講鄉約之所重修

家乘本先制而恢拓之補亡訂誤核實刪凡纂輯凡例燦然有條  
理載譜中凡一切經營規畫凡材鳩工授餼考成壹出其心力而  
哀歛出納絲毫皆可按覆族人無不厭服者以故數十年來族中  
事無鉅細咸以其璨之言爲著蔡雖耆耆莫之或違也晚年頗悔  
前非閉關蕭寺擬脩名山業鄉之子弟從者如雲皆各有所成就  
乙丑歲忽患類中風症卧床十四年卒以此終嗟乎何天之豐其  
才而嗇其遇若此也得疾之前一日余適以服闋將起復之官往  
別其家翌日方共食忽箸落於手目瞪視口噤不能語急昇入室  
召醫診治未一刻頃族鄰親故之奔走來視者踵相接至夜分外  
戶不得閉有駭愕失聲者有立而泣者有大聲號呼亟趨叩家祠  
乞以身代者有急索香楮燃藁炬誣禱名山於數十里外者有爲  
走他邑延名醫者有候爐火煎藥者觀於此亦可以見其生平所

以感人者矣其璨有子二長光前吾妹出次光大庶朱氏出女二  
長吾妹出適義邑生員吳肇統次朱氏出適畝田朱  
龍飛乾隆二十四年歲次己卯蒲月上浣之吉

丙弟葉 新頓首拜撰

○宗妹傅安人行狀

行森一千四百四十四

妹名璉僕宗大園州司馬正生翁之嫡女金邑太學傅君佩三元

配也初司馬公娶於方夢仙子授璧玉卮而去期而產妹因名曰  
璉踐夢也五六歲時父口度蒙詩授內則學婉婉兼通書筭勝衣  
年代父總覈出入臧獲不能欺時正生公未有子一日向母泣曰  
生女緩急無所用母盍爲父置如母得彷彿似續則家門幸甚母感  
其言納副室後舉一弟名汝瑚時妹已于歸聞信即帶乳母往調  
護鞠育勝於同胞先是正生翁爲妹相攸少許可及見妹倩佩三

君曰此郎英氣逼人日後必成偉器遂以東床相許及于歸後鄧  
勉夫子曰大丈夫奮志遠圖當謝絕外緣埋頭經史冀揚名顯親  
嗣是家政悉以身任之歲收所入及經費所出一匕皆登簿書以  
規贏縮未明輒起擘畫家務自勝侍以及僮佃節其勞逸而督以  
工程每至夜分不能休息以故妹丈得與賢士大夫遊而聲施郡  
邑姑陳宜人抱恙妹衣不解帶者累月藥必親嘗膳必身進盤匱  
巾帨不分任下人曰此乃爲人媼婦事何可令他人代也姑沒悲  
悼欲絕舉動悉遵大體妹完姻數載無所出卽勸夫收二媵年三  
十七始舉一甥名傅行居八共舉九男一女秀者教以詩書樸者  
任以耕作躬爲撫養愛同已出僕妹秉性嚴肅而逮下有恩自奉  
儉約而待客有禮妹丈名重一時賓友所過几筵咄嗟而辨扶危  
濟困謀及於內未嘗少有所吝去秋僕循歲例出庠適賢夫婦五

旬齊壽僕往視妹悅曰明春妹倩可偕兄往都卒業太學以慰兩  
大人之志亦當爲兄整裝其欲相去子以有成類如此妹一孱弱  
女思光前人舊物凡廳堂園沼取次脩成食少事煩以致勞頓卒  
之前一日命兒修書別母弟出一箱交與妹丈曰此皆三十年出  
入契券即當自理吾昨夢手持玉杯凌虛向西去明日長往矣子  
婦與一媵環而泣搥首曰母哭若輩如吾在時吾可瞑目遂不語  
延至次日申刻而逝實乾隆二十三年三月初一日也享壽五十  
一歲丈夫子九曰傳曰傑曰仁曰健曰佶曰信曰傅曰份曰僕女  
一適吾族侄以珖爲室孫一名紹宣卒之日妹丈慄戚不勝囑僕  
立傳附載華牒僕何人敢司月旦惟取妹爲女爲婦實蹟縷述作  
狀不辭瑣鄙冀名公大人俯賜略取椽筆垂信斯足光梨棗而傳  
示後裔妹氏有餘榮矣是爲狀

龍飛乾隆二十二年孟夏月望日

愚宗兄吳彭年沐手拜撰

○森七百六十八傅翁暨陳安人傳

太翁諱爲壽字子成號拱峯郡邑欽賓也形長貌偉高額巨鼻元  
瞳白髮吐音洪亮氣雄胆壯通敏練達少而穎異讀書不數年而  
字精文達披覽書籍過目成誦博記不忘未冠失怙秉理家政率  
諸弟習業仲專耕鑿季務經商太翁總持內外焦勞茹澹以致粟  
裕貲饒廣舊居以光大其門墻拓先疇以擴充其明晦捐貲緝譜  
宗祏是修結構書齋延師訓侄覓尋吉壤卜塋諸弟發粟以賑歲  
歉惠周里人倡助以濟虹梁功及一邑而且砌崎路給義漿履康  
潤吻至於有危必扶有急必濟直道還能存古微言足以解紛談  
笑辨說雜之詼諧爲人謀計畫萬全享年八十有四尙健飯康步  
福壽康寧集于一身誠人瑞也淑配陳六安人端凝淑慎慈惠溫

柔謙和妯娌夙與夜寐以相夫子優於內助顧艱剛續進納妾媵者三無育繼一侄毓琦爲子乳哺鞠育其深情篤擊之愛河啻親生九熊佐讀得遊泮宮太姆固熾美柳母之善教繼管敬護之克勤作配我太翁先生也嵩屬在至戚稔知其詳按狀而爲之傳乾隆二十四年歲在己卯桂月下浣之吉

邑庠生耆姻晚生徐嵩頓首拜撰

○森八百三十七府君汪氏安人小序

丙午之歲子

成

二翁延請我

先君爲西賓以教其子毓琦毓琦

字奇玉雲翁第三子承繼於成翁爲嗣先君處館於其家已六春

秋矣故歷年久公之生平稔悉其詳歸而述公之行狀言猶在耳

今東山輯譜奇兄携公像囑予爲贊予展視遺像性情笑貌宛然

如生吾未見公何人

而可徵

